

# MAKU AN LUK

KAPAS ALLIM;

AULI NANAI

KAPAS AN MORTLOK.

---

NEW YORK:  
AMERICAN BIBLE SOCIETY.

INSTITUTED IN THE YEAR MDCCCXVI.

---

1882.

# MAKU AN LUK.

---

## SOPON 1.

**M**I nura rapia ta apuere firi kapas an oto kana mi kit aleta aniau,

2 Ojon rek mi ken utueli o anan nanai kapas jonai rapin ra apuere nanai kit;

3 Ie mi nan I pual okioki mi allim nan iai I pue maku firi nan uk Main Tiofilos; pue nan I kile firi oto monison jonai rapin;

4 Pue en epue kile milet kapas kana aiti nan uk.

5 Lon mueun Erot, kin an Jutia, samol fel aman ano itan Sakaraias, kifitan Apaia; roniman itan Ilisapet a pual tuelikin Aron.

6 Ir ruaman mi tupuel ren Kot; alazorik firi an Kot a kapas o allik monison.

7 Sor ar menkol pue Ilisapet mi rit; o ir ruaman mi reikoe.

8 A ap feri lupuan an nimani fel moan Kot fasoun talan;

9 Ojon fefer an samol fel kana, a ken fiki nanai Kot le poallim, lupuan a til lon lon fel an Kot;

10 O nun aramas monison ra ken iotok likin, fasoun fiki le poallim.

11 Ronlan an Jioua aman pue to ren, u ta pali ifirin ron an fiki le poallim;

12 Sakaraias a uerai i, letip an a ken mokit, i ap nuokus.

13 Ronlan ue kapas nanai i, O te nuokus Sakaraias; pue om iotok a ausalon, o ronimam

Ilisapet a pue naikat nan uk atamuan aman; o pue nanai itan Jon.

14 O pue puapua o *renel*, o mi nura ra pue puapua ren an naikat.

15 Pue a epue lapalap ren Jioua; a semen epue unimi uain are sokau, o a epue autan Nen Fel jonai letip an asak an.

16 A epue auil nanai Jioua ar Kot tuelikin Israel mi nura.

17 A epue okom la moan i, nen o manaman an Ilaija, pue a pue auil nanai at kana letip an jam ar kana, o mi alasolap kana nanai kapas an mi tupuel kana.

18 Sakaraias ap kapas nanai ronlan ue, Pue ia ojon I pue kile enlet kei? Pue nan I reikoe la, o ronimai a luenlap la.

19 Ronlan ue a paluanai, kapas nanai i, Nan Kepriel, I ken u ta aron Kot; a kine iai to I pue kapas nan uk, o apuere nan uk ron allim kei.

20 A attuan o pue aumar, soto nanai kapas tore ran kei epue puanua ta, pokitan om semen arifaua ai kapas kana mi epue puanua ta le fasoun ar.

21 Aramas kana ra uetai Sakaraias, o ra ueit-feneni an kaimuai lon im fel.

22 A ken til ue a soto nanai kapas nanai ir; ra ap kile a uerai manaman lon im fel; a ap ale pa nanai ir, nono alikmar.

23 Ateri la ran kana an nimani fel, a ap fai la im an.

24 Murin ran kei Ilisapet roniman a uosomau ap pokin amona la maram elu, apasa,

25 Ie mi Jioua a feri nan iai lon ran an a sakari iai a pue uai jonai ai sau etei aramas.

26 Auonou an maram, Kot a kine la ronlan Kepriel le telin im an Kalili eu itan Najaret,

27 Ren fapuil aman itan Meri, mi kafot nanai muan aman itan Josef, tuelikin Tefit.

28 Ronlan ue a til lon ren, apasa, Kapon, mi faiamau en; Jioua a nono rem; en mi faiamau lein ropot kana.

29 A uerai i, letip an a mokit ren an kapas; a ap okioki letip an ia ojon kapas ei.

30 Ronlan ue ap kapas nanai i, O te nuokus Meri, pue en uerai ron om mi ren Kot.

31 Attuan o pue uosomau, ap naikat atamuan aman, ap nanai itan JISOS.

32 I mi pue lapalap, a pue na an Kot Lapalap; Jioua Kot a epue nanai i mueun jam an Tefit.

33 A epue nimani tuelikin Jekop failfail la rek, o mueun an a sap uk tu.

34 Meri ap kapas nanai ronlan ue, Ia ojon a pue puanua ta? pue sor ronimai.

35 Ronlan ue ap paluanai kapas nanai i, Nen Fel epue fai tu uo om, o manaman an Kot Lapalap epue pualu la en; ie mi at fel ue a pue Na an Kot.

36 Attuan Ilisapet puim a pual uosomau akanai atamuan aman lupuan an luenlap; o auonou an maram ei ren i mi ken rit.

37 Pue sor eu oto Kot a soto nanai.

38 Meri ap apasa, Na an Kot ronanan aman nan; a epue feru nan iai ojon om kapas. Ronlan ue ap fai jonai i.

39 Meri ap u ta lon ran kei, failakai la fanu ruk ue lon telin im Juta;

40 A til lon lon im an Sakaraias, ap kapon nanai Ilisapet.

41 Ilisapet a ron an Meri a kapon, menkol ap mokit letip an; Ilisapet ap autan Nen Fel,

42 A ap maliali. malial rapur, apasa, En mi faiamau ren ropot kana, o mi faiamau uan letip om.

43 A la me ia ei mi asak an ai Jioua a fai to re i?

44 Pue attuan, lupuan malial an om kapas a tore jalin ai, menkol a puapua mokit letip ai.

45 A faiamau mi arifaua, pue mi kapas nanai i mi ren Jioua a pue puanua ta.

46 Meri ap apasa, letip ai ken lanafauti Jioua,

47 O nen ai ken maretai Kot ai Ron Amanau.

48 Pue a ken sakiri na an ronanan kirinauel; pue attuan failfail la rek pilon aramas monison ra pue afaiamau ai;

49 Pue i mi ken Manaman a feri nan iai oto lapalap, o itan mi fel.

50 A ken umoumar nanai mi nuokus i kana, tore pilon aramas monison;

51 A ken apuere ta manaman ren pa an; a kupet sefeni mi lamalam tokia kana ren okiok an letip ar.

52 A ken asapuila tu mi lapalap kana jonai leni ar, o seika ta kirinauel kana.

53 A ken amata la mi arak kana ren mona allim, o mi pisekasek kana a ken kine la panepau.

54 A ken amarou Israel, na an; lenlemanian umoumar,

55 (Ojon an kapas nanai jam at kana,) nanai Epream o tuelikin kana failfail la rek.

56 Meri a nono rek ren aron maram elu; a ap lun la im an.

57 A tore lupuan Ilisapet a pue naikat, a ap nainai atamuan aman.

58 Mi ano aron kana o puin, monai an kana, ra ron mi Jioua umoumar aniau nanai i, ra ap etei i puapua.

59 Aualou an ran, rap fai to ra pue sirkom-saisi at ue; ra nanai itan Sakaraias ojon rek amj an.

60 Asak an ap paluanai apasa, Ap; pue a pue itan Jon.

61 Ra ap kapas nanai i, Semen mo pui an mi ken itan ei.

62 Ra ap arona nanai jam an meta a a pue aitan nanai i.

63 A ken aiek slet ap maku tu, apasa, Itan epue Jon; ir monison ueiti fenei.

64 A ap failakai sukok la au an, o lao an materok la, a ap maliali maretai Kot.

65 A monison mi ano aron ir, ra nuokus; o kapas kei akile faili uon fanu ruk an Jutia monison;

66 O monison mi ron ra ken isana letip ar, apasa, Sokon fa menkol ei? O pa an Jioua a nono ren.

67 A Sakaraias jam an ap autan Nen Fel, maliali, apasa,

68 Maretai Jioua Kot an Israel, pue a fai tu o amanaua na an aramas;

69 O seika ta Ron Amanau aman lein tuelikin na an Tefit.

70 Ojon an apasa ta ren au an na an jufos tupuel kana jonai rapin lom;

71 Amanaua jonai mi nimaleti kit kana, o jonai pa an monison mi afanei kit,

72 Pue a epue apuanua ta mi umoumar kana a puon nanai jam at kana, o lenlamani an puon fel;

73 An akapel mi a ken akapel nanai Epream, jam at.

74 A pue nanai kit, anas jonai pa an mi nimaleti kit kana, ja pue puararo anan nanai i,

75 Mireit o tupuel ren, ran an at manau monison.

76 O en, at, o pue jufos an Kot lapalap; pue o pue okom la moan Jioua, amole ta an al kana.

77 Puen akile *nanai* na an aramas manau ren ar tipij musa la,

78 Pokitan at Kot unoumar lapalap; pue mi ni mol me lan a pue to re at.

79 Puen asaremi ir mi ken mot tu lon rotopuak o nirin me la; puen muanana la kit lon al an *renel*.

80 At ue a fafai ta, pirakil *nen* an; a ken nono rek fanu pan tore ran an a puere *nanai* Israel.

## SOPON 2.

**A** AP feferi lon ran koe mi Sisar Okostos allik *nanai* fanu monison, aramas monison ra pue maku tu.

2 (*Rapin* mak ei a feferi lupuan Sairinios a ken asamolun Siria.)

3 Monison ap fai la ra pue maku tu lon *rapi*tan fanu ar.

4 Josef a pual fai la me Kalili, jonai telin im an Nasaret, fai la Jutia lon telin im an Tefit itan Petliem, (pue i tuelikin Tefit,)

5 A pue maku tu etei Meri mi kafot *nanai* i roniman, a uosomau.

6 A lupuan ar nono rek ia, a tore ran an a epue naikat.

7 A ap naikat moainauen atamuan aman, isana lon le epen, ap isa tu lenien amona man; pue fel a uor ren aramas.

8 Epuelok ronmas nono fanu ue rek, mamasa na ar jip lon malemal le pon.

9 A attuan ronlan an Jioua a pue to re ir, o lin an Jioua tata aron ir; ra ap nuokus aniau.

10 Ronlan ue ap kapas *nanai* ir, Au te nuokus, pue attuan I ua fai to re ami ron allim, apuapua aniau, mi pue akile *nanai* aramas monison.

11 Pue *Ron Amanau* a up *nanai* ami ikana lon telin im an Tefit; i mi Kraist Jioua.

12 A ie mi ni akakilan *nanai* ami; ami au pue uerai menkol ue isana lon le epen, iuel la lenien amona man.

13 *Ronlan* nura ia ra failakai etei *ronlan* ue maretai Kot, apasa,

14 Maretai Kot Lapalap, o *renel* uon fanufan, umoumar *nanai* aramas.

15 *Ronlan* koe fai la *jonai* ir, luni ta lan; ronmas koe ap kapas fenen le ir, Ja pue fai la Petliem uerai oto ue a feria ta, mi Jioua apuere *nanai* kit.

16 Ra ap failakai ue, uerai Meri mi Josef o menkol ue, a iuel la lenien amona man.

17 Ra utueli, ap akile faili oto mi kapas *nanai* ir ojon menkol ei.

18 A monison mi *ron* ra ueiti fene ni ojon oto kana mi ronmas koe kapas *nanai* ir.

19 A Meri a ken isana kapas kei monison, okioki letip an.

20 Ronmas koe ap lun la, lanafauti o maretai Kot, pokitan monison ra *ron* o utueli ojon rek a kapas *nanai* ir.

21 Aualou an ran ra sirkomsaisi at ue, ap aitan *nanai* i JISOS, ojon *ronlan* ue aitan *nanai*, moan a semen nainai.

22 Ateri la ran an an allimi pokin i ojon lamalam an Moses, ra ua la i Jerusalem *nanai* i Jioua,

23 Ojon rek a maku tu lon kapas an Jioua (Moainauen muan monison ra pue mi fel ren Kot.)

24 O ra pue asaron anu, ojon a no lon kapas an Jioua, Tof ruaman are apen an lisom ruaman.

25 Muan aman nono rek Jerusalem itan Sim-



ion; i mi tupuel o mireit, a ken auetai alik-alik allim an Israel; *Nen Fel* a nono uon i.

26 *Nen Fel* apuere *nanai* i a semen epue me la moan à semen uerai an *Jioua* a *Ron Amanau*.

27 A fai la le im fel ren *Nen Fel*; ra ap ua to na ar at *Jisos* ra pue ferì *nanai* i ojon lamalam an *Moses*,

28 A ken puokai i le pa an, ap maretai *Kot*, apasa,

29 O *Jioua*, en *nanai* nom *ronanan* a pue me la *renel* ikana, ojon om kapas;

30 Pue lemas ai ra uerai nom amanau,

31 Mi en amole ta moan lemas an aramas monison.

32 Sarem eu a pue asaremi *Jentail* kana; o lin an nom aramas, Israel.

33 *Josef* o asak an ra ueiti fenei oto kana apasa ta ojon i.

34 *Simion* ap afaiamau *nanai* ir, o kapas *nanai* *Meri* asak an, *Attuan* menkol ei a seika ta pue re Israel mi nura epue pun tu ren, o pual u ta ren; o akakilan eu ra pue pinai;

35 (*Kotlas* afor a pual epue teu *nanai* pokin letip om,) puen apuere ta okiok an letip nura.

36 *Ana*, na an *Faniel*, *ainan* an *Ajer*, ropot jufos aman, mi luenlap *aniau*; a nono rek ren *roniman* lefen fusu.

37 Ap lipit aron lefen ualik mi rianu, mi semen mot tu jonai im fel, pue a ken anan *nanai* *Kot* ren arak fel o iotok leran o lepon;

38 A pual fai to fasoun ue rek, maretai *Jioua*, o kapas *nanai* monison mi ken uetai amanau le *Jerusalem*, ojon i.

39 Ra puap ateri la oto monison ojon allik an *Jioua*, ra ap lun la *Kalili* lon rapitan telin im ar *Nasaret*.

40 Atamuan ue a fafai ta o lapalap la nen i, ur an tiparem; o aron an Kot nono uon i.

41 Josef o Meri ra fai la Jerusalem lefen monison, etei fetelap an pasofer.

42 Mánau an lefen enaul mi ruou, ra ap fai la Jerusalem, ojon ar etei fetelap ue.

43 Ateri la ran kana, ra ap lun la, a alual Jisos a nono rek mur ir le Jérusalem, Josef o asak an ra sikile.

44 Ra kikine a ken etei rian ar kana, ra fai la urur an ran eu, ra ap kitta i ren pur kana o rian ar kana.

45 Ra semen uerai i, ra ap lun la Jerusalem kitta i.

46 A murin ran elu, ra uerai i lon im fel mot tu lepeten jounpatak kana, ron ir, o pual aiekanai ir,

47 Monison mi ken ron i, ra ueiti fenei an tiparem, o an kapas kana.

48 Ra uerai i, ra ap ueiti fenei; asak an ap kapas nanai i, Nai, limeita en feri nan kit ojon kei? Attuan jam om o nan sonison kitta en.

49 A ap kapas nanai ir, Limeita ami kitta ai? Ami sikile mi nan epue nono rek le im au Jam ai?

50 Ir sikile mi ni a kapas nanai ir.

51 A ap etei ir fai la Nasaret; ap ronaronafei ir. Asak an a ken isana oto kei monison letip an.

52 Jisos a fafai ta, tiparem la o lapalap la, o a ken ron ren Kot, o aramas.

### SOPON 3.

**L**EFEN enaul mi limou an mueun Taipirios Sisar, Pontios Pailat makal an Jutia, o Erot kin an Kalili, o Filip, puin, kin an Ituria o fanu an Trakonitis, o Laisenias kin an Apilin,

2 Anas o Kaiefas samol fel rapur; kapas an Kot a fai to ren Jon, na an Sakaraias, le fanu pan.

3 A ap fai la uon fanu monison aron Jortan, akile faili papatais an aiar nanai mus jonai tipij;

4 Ojon a maku tu lon puk an malial an joufos Aisea, apasa, Malial an aman asosore le fanu pan, Amole ta al an Jioua, auonerar la an al kana.

5 Ueue monison ra pue sosonar la, o ruka-rukta o sousou monison ra pue mor la; mi puor kana epue uonerar la, o al pukapuk ta kana ra pue sosonar la.

6 O aramas monison ra pue na nanai amanau mi rei Kot.

7 A ap kapas nanai nun aramas mi fai to ra pue papatais ren, Uan faiper ami; ia mi fanau ami au pue su jonai ier a fafai to?

8 Ami feria ta ua kana fir nanai aiar; au te rapia ta kapas fenen le ami, Kit mi na an Epream; pue I apasa nan kemi, Kot a tonanai amanaua jonai fau kei tuelikin Epream.

9 A ikana, sela a isa tu aron rapin ura kana; ura monison mi semen ua allim ra pue fala tu, asu lon le ief.

10 Aramas koe aiekanai i apasa, Meta je pue feri?

11 A ap paluanai, kapas nanai ir, Mi na an jakit ruou a pue lifan nanai mi sor an; o mi an mona a no a pue feri ojon rek.

12 Poplikan kana pual fai to ra pue papatais, ap kapas nanai i, Jounpatak, meta ja pue feri?

13 A ap kapas nanai ir, Au te uai jonai aramas lap jonai mi ni allik nanai ami.

14 Ron fiu kana pual aiekanai i, apasa, A kit, me ta ja pue feri? A ap kapas nanai ir, Au te

feri inau nanai aman, te tip nanai mual aman ;  
o ami au afriek lunin ami.

15 Aramas ra uetauet, o monison ra okioki  
letip ar ojon Jon, are i mi Ron Amanau,

16 Jon ap paluanai ir monison, apasa, Nan  
I papataisi ami ren ran, a aman a pue fai to  
muri, nan I sefir nanai amusa la jal an tikitik  
an pir an ; i mi pue papataisi ami ren Nen Fel  
o ief.

17 An saipa a no le pa an, a epue pona firi  
saran ; a epue ion fenei uit lon im an isais ;  
a paipai kana a epue fiki ren ief a soto nanai  
kunua la.

18 Pual epuelok kapas nura a ken apasa ta,  
afalafala nanai aramas.

19 A ken aponi Erot, kin ue, ojon Erotias,  
roniman puin Filip, o ojon mi inau monison Erot  
a ken feri.

20 Erot pual apar nanai monison mi ni, a ken  
fetokanai Jon le im an fetok.

21 Lupuan aramas monison ra ken papatais,  
Jisos a pual papatais, ap iotok, lan ap suk,

22 O Nen Fel ojon lisom a fai tu uon i, o  
malial me lan a fai tu apasa, En nai mi nan I  
tone ; I kinamue rem.

23 Jisos a rapia ta lefen an manau an mi  
elik ; ir kikine i mi na an Josef mi na an Ilai,

24 Mi na an Matat, mi na an Lifai, mi na an  
Melkai, mi na an Janna, mi na an Josef,

25 Mi na an Matataias, mi na an Emos, mi na  
an Neom, mi na an Esli, mi na an Nanai,

26 Mi na an Maat, mi na an Matataias, mi na  
an Jimeai, mi na an Josef, mi na an Juta,

27 Mi na an Joana, mi na an Risa, mi na an  
Seropapel, mi na an Salatiel, mi na an Nirai,

28 Mi na an Melkai, mi na an Atti, mi na an  
Kosam, mi na an Elmotam, mi na an Er,

29 Mi na an Jose, mi na an Eliesar, mi na an Joram, mi na an Matat, mi na an Lifai,

30 Mi na an Simion, mi na an Juta, mi na an Josef, mi na an Jona, mi na an Ilaiakim,

31 Mi na an Melea, mi na an Mainan, mi na an Matata, mi na an Netan, mi na an Tefit,

32 Mi na an Jessi, mi na an Opet, mi na an Poas, mi na an Salmon, mi na an Nason,

33 Mi na an Aminatap, mi na an Eram, mi na an Esrom, mi na an Feres, mi na an Juta,

34 Mi na an Jekop, mi na an Aisak, mi na an Epream, mi na an Tira, mi na an Neor,

35 Mi na an Serok, mi na an Reu, mi na an Pilek, mi na an Iper, mi na an Sala,

36 Mi na an Kainan, mi na an Arfaksat, mi na an Jem, mi na an Noa, mi na an Lamek,

37 Mi na an Matusela, mi na an Inok, mi na an Jeret, mi na an Malalil, mi na an Kainan,

38 Mi na an Inos, mi na an Set, mi na an Atam, mi na an Kot.

#### SOPON 4.

**J**ISOS, autan Nen Fel, lun jonai Jortan ue ;  
Nen Fel ap muanana la i lon fanu pan ue ;  
tefil a ken sotonai i ran fa.

2 A semen aniani eu oto ran koe ; ra ateri la,  
a ap moren mona.

3 Tefil ue ap kapas nanai i, Kare en na an  
Kot, o pue kapas nanai fau kei ra pue uili la  
mona.

4 Jisos ap paluanai i apasa, A maku tu, Se-  
men mona erek aramas ra pue manau ren, pue  
an Kot a kapas monison.

5 Tefil ap muanana la i uon rukarukta tokia,  
ap asale nanai i mueun fanufan monison lon  
fasoun motamot.

6 Tefil ap kapas nanai i, Nan I pue nan uk

nimani an kei monison, o ar lin kana; pue ra nanai iai, o I pue nanai aman mi nan lamene ta.

7 I pue nan uk monison are en epue fel nan iai.

8 Jisos ap paluanai i apasa, O fai la likin sakari Setan; pue a maku tu, Fel nanai Jioua, om Kot; o i erek o pue anan nanai.

9 A ap muanana la i Jerusalem, isa ta uon unoun atan fel an Kot, ap kapas nanai i, Are en Na an Kot, o pue lus tu jonai ei; pue a maku tu,

10 A epue allik nanai na an ronlan kana ojon en, ra pue amanimani en;

11 O ra pue puokai en le pa ar, pue pir om a te repete fau.

12 Jisos ap paluanai kapas nanai i, A apasa ta, O te sotonai Jioua om Kot.

13 Ateri la an tefil a sotonai monison, a ap fai jonai i tore eu fasoun.

14 Jisos a lun la Kalili manaman an Nen Fel a nono uon; a ap it au la uon fanu arep to monison.

15 A ken afalafala lon ar sinakok kana; monison ap maretai i.

16 A ap fai la Nasaret, rapitan fanu an; o ojon an fefer, a ken til lon lon, sinakok ran fel, ap u ta a pue aleanai.

17 Rap nanai i puk an Aisea joufos ue, a ap suka la puk ue, uerai ejen a maku tu;

18 Nen an Jioua a nono uoi, pue a ken seik iai ta pue I pue afalafala mi uoinau kana; a ken kine iai to pue I pue anasa la mi letip rourok kana, o akile nanai roitur kana ar nasa la, o mi masapon kana ar uerai moar, o seleni mi ninni kana,

19 O akile faili fasoun allim ren Kot.

20 A lima la puk ue, pual nanai samol ue, ap

mot tu; lemas ar monison le sinakok ue apolo la i.

21 A ap rapia ta kapas nanai ir, Mak ei a puanua ta le jalin ami ikana.

22 Monison ap apuere ta ojon i, o ueiti fene ni kapas umoumar kana mi fai jonai le au an; ra ap apasa, Sap i na an Josef?

23 A ap kapas nanai ir, Attuan ami epue kapas nan iai maliali ei, Roisefai, apirakil ta pokin en; oto kana ja ron ra uerai lon Keperniom, o pual feria ta kei, lon rapitan fanu om.

24 A ap apasa, Attuan nan I apasa nan kemi, semen mo jufos a ken aron lon rapitan fanu an.

25 Pue milet I apasa nan kemi, ropot lipit nura nono le Israel lon ran an Ilaija kana, lupuan lan apuna la lefen elu o maram uonou, fason mailen rapur uon fanu ue monison;

26 Ilaija a sap kine la ren aman ir, pue lon Sarepta an Saiton erek, ren ropot lipit aman.

27 O muan rup an puater nura nono lon Israel lon muen Ilaijos jufos ue, a semen mo re ir amoa la, pue Neman erek, re Siria aman.

28 Monison ra no lon sinakok ue ron kei, rapur an kom;

29 Rap u ta ura la i likin telin im, ap muana na la le pali an rukarukta ue ar telin im a u uon, ra pue aluakei i.

30 A ap til ue jonai lepet ar fai la.

31 A fai la Keperniom, ue telin im an Kalili; a ken afalafala ir ran an fel kana.

32 Ir ap ueiti fene ni an afalafal pue mi auo nam an kapas.

33 Muan aman, anu aniapot a no uon, a ken nono lon sinakok ue, mi ap asore maliali rapur, apasa,

34 Fai jonai kit; ia ojon lepet at, Jisos an

Nasaret? En fai to pue o pue ni la kit? Nan I kile en, Na an Kot mi Tupuel.

35 Jisos ap aponi i, apasa, En alikmar; o fai to jonai i. Tefil ue àtura tu muan ue lepet ar, ap fai jonai i, a semen amatok i.

36 Ir monison ueiti fenei, ap kapas fenei le ir, Ia ojon kapas ei? pue a ken auonam o manaman allik nanai anu aniapot kana, ra ap fai jonai.

37 A ap itau la uon fanu arep to monison.

38 A ap til ue jonai sinakok ue, ap fai la le im an Saimon; asak an roniman Saimon a somau puerikar aniau; rap tunorai nanai i ropot ue.

39 A ap u ta uon ropot ue, aponi somau ue; a ap fai jonai i; a ap failakai u ta, atanaki ir.

40 Iol a tup tu, monison mi na ar kana ra ken somau patun, ra ap ua ir to ren; a ap isana ta pa an uo ir monison, apirakil ta ir monison.

41 Tefil kana rap pual fai jonai mi nura, asosore o apasa, En mi Kraist na an Kot. I ap aponi ir, semen nanai ir ra pue kapas, pue ra kile mi i Kraist.

42 Lesor a ken til ue fai la fanu pan; muer ue ra kitta i, rap fai la ren, amarou i a te fai jonai ir.

43 A ap kapas nanai ir, Nan I pual epue apuere ta mueun Kot lon telin im koe; pue ie mi ni nan kine to ren.

44 A ap afalafala fail lon sinakok an Kalili kana.

### SOPON 5.

**L**UPUAN aramas ra par fenei ren, ra pue ron kapas an Kot, a ken u ta aron set an Kalili;

2 A ap uerai jip ruafor nono aron nirin; a souset kana ra tua jonai uon ir, alla ar uk kana.

3 A ap ta ta uon afor jip koe, na an Saimon,



tunorai i a pue aine jonai fanu a kis; a ap mot tu, afalafala aramas kana jonai uon jip.

4 Ateri an kapas, a ap kapas nanai Saimon, Aine ue ejen lolapin, ap sone tu ami uk kana leset puen attau.

5 Saimon ap paluanai kapas nanai i, Main, ja puakero anan lepon ue tore ikana, a sor liap at; a pokitan om kapas I pue sone tu uk.

6 Ra feria ta ei, ra ap liap ik nuraia; ar uk kitatere la;

7 Rap ale pa nanai pui uon jip ue, ra pue fai to alisi ir; ra fai to, rap masoan nanai ruafor jip, tore ar mo tu.

8 Saimon Piter a uerai, ap fetapuku moan Jisos, apasa, O fai jonai iai Main, pue nan muan tipij.

9 Pue a ueiti fenei, o pual mi etei i monison, ren ar liap an ik kana mi ra liape to;

10 Ojon rek Jemes o Jon na an Sepeti, mi puin Saimon. Jisos ap kapas nanai Saimon, O te nuokus; jonai ikana o pue liap aramas.

11 Ra aluna to ar jip koe uon fanu, rap peluku monison, fai la murin i.

12 A ap feri lupuan a nono lon telin im eu mi muan aman, rup an puater aniau, a uerai Jisos, ap pun tu uon mas an, tunorai ren, apasa, Main, kare en afriek, o pue to nanai amora jonai iai.

13 A auona la pa an, suku i, apasa, I afriek, o pue amora jonai. A rup an puater ap failakai fai jonai i.

14 A ap allik nanai i a te ura nanai amau; a o pue fai la asale nanai pokin en samol fel ue, o asaron anu ren om mora jonai, ojon Moses apasa ta, puen apuere nanai ir.

15 A kapas ojon i akile faili aniau; muer nura ap mou fenen puen ron, o pue i en apirakil ta ir jonai ar somau kana.

16 A ken lunikis fanu pan, iotok.

17 Ran eu a ken afalafal; Farisi kana o joun mak kana mi fai to jonai telin im an Kalili monison, o Jutia, o Jerusalem, ra mot tu ren; o manaman an Jioua nono puen apirakil ta ir.

18 Aramas ua to uon po muan aman somau me; rap sotonai ua la lon, isa tu ren.

19 Ra soto nanai, pokitan muer, rap ta ta uon im, aure tu i le puis an oj, uon po ren Jisos, lepet ar.

20 Jisos a uerai ar luku, ap kapas nanai i, Muan, om tipij amusa la.

21 Joumak kana o Farisi kana rapia ta okioki, apasa, Pue ia iei mi ken asaia? Ia mi to nanai amusa la tipij? san Kot erek?

22 Jisos kile ar okiok, ap paluanai, kapas nanai ir, Meta ami okioki letip ami?

23 Pue ia mi atoi afi apasa, Om tipij amusa la, are apasa, U ta, fetel ue?

24 A pue ami au pue kile mi Na an aramas mi manaman nanai amusa la tipij fanufan, (a ken kapas nanai muan a somau me,) nan I kapas nan uk, U ta, anai om kiakai, fai la le im om.

25 A ap failakai u ta mo ar, puokai an kia-kia, ap fai la le im an, maretai Kot.

26 Ir monison ueiti fenei, maretai Kot, o autan nuokus, rap apasa, Je uerai oto alanafau ikana.

27 Murin kei, a fai jonai ap uerai poplikan aman itan Lifai a mot tu lenien aseoma; a ap kapas nanai i, O etei iai.

28 A ap likita la monison, u ta ita la i.

29 A Lifai a ken feri nanai i fetelalap rapur le im an; o muer rapur an poplikan o pual epuelok mi etei ir mot tu.

30 A ar joumak kana o Farisi kana ra aroron

nanai na an ron afalafal kana apasa, Limeita ami etei poplikan kana o mi tipij kana mona o unimi?

31 Jisos a paluanai kapas nanai ir, Jousefai a sap allim nanai mi pirakil kana, pue mi somau rek.

32 Nan I semen fai to en asore to mi allim kana ra pue aiar, pue mi tipij erek.

33 Rap kapas nanai i, Limeita na an Jon ron afalafal ra ken arak fel fan nura o feri iotok, o pual ojon rek na an Farisi kana, a nom kana ra ken mona o unimi?

34 A ap kapas nanai ir, Ami au to nanai amarou jonai mona ron ueip an apupuilu lupuan muan pupuulu sefa a nono re ir?

35 A fan eu ran muan pupuulu sefa a uai jonai ir; rap epue arak fel lon ran koe.

36 A ap apasa nan ir kapas monenir, semen mo a ken tei fenei manaku sefa manaku mes; pue kare a ken feri, mi sefa a ken kitatere la, o mi ukifi jonai mi sefa a sefir nanai mi mes.

37 Pual semen mo a ken asera lon uain sefa lon rume mes; kare a ken feri, uain sefa a pue kitetere la rume koe ap sera la, o rume koe ra pue kitetere la.

38 A ra pue asera lon uain sefa rume sefa, monison ap nikanik allim.

39 Pual semen mo a ken unimi uain mes ap epue failakai moren mi sefa; pue a ken apasa, mi mes mi allim jonai.

## SOPON 6.

**A** LON aruou an rapin sapat a fai la le mal an uan flour; an ron afalafal koe rap talu uan flour, ilalei nanai, ap aniani.

2 Epuelok Farisi ap kapas nanai ir, Limeita ami feri mi sefir nanai ran an sapat?

3 Jisos ap paluanai ir, apasa, Ami sikile mi 'Tefit feria ta lupuan a ken arak, o mi etei i kana?

4 Ojon an til lon lon im au Kot, anai pret fel ap aniani, o pual nanai mi etei i kana, mi sefir aramas eu mona pue samol fel erek?

5 A ap kapas nanai ir, Na an aramas a ken samol an ran an sapat.

6 A lon eu ran an sapat, a ken til lon lon sinakok eu, ap afalafal; o muau aman a no mi pa an me la.

7 Joumak kana o Farisi kana ra mamasa i kare a epue apirakil ta ran an sapat, pue ra pue tip nanai i.

8 A i mi kile ar okiok kana, a ap kapas nanai muan ue mi pa an me la, U ta ap nono lepet ar. A ap u ta, nono rek.

9 Jisos ap kapas nanai ir, I pue aiek eu oto re ami; mi fir nanai ran an sapat fefer allim, are fefer inau? amanaua aramas, are ni la?

10 A ken nana faili uo ir monison, ap kapas nanai muan ue, Ati ue pa om. A ap feri; pa an ap apirakil ta ojon rek afor.

11 A melimel letip ar; rap kapas fenen le ir meta ra pue feri nanai Jisos.

12 A lon ran koe a ken fai la uon rukarukta, iotok; a ken iotok nanai Kot le pon tore ran.

13 A puap ran, a ken asore to na an ron afalafal, ap fili ta jonai ir seek mi ruaman, seika ta ir aposel.

14 Saimon mi a aiti nanai Piter o Antru puin, Jemes o Jon, Filip o Partolomiu;

15 Matu o Tomas, Jemes na an Alfios o Saimon itan Silotos;

16 Jutas puin Jemes o Jutas Iskariot mi pual afaname i.

17 A ap etei ir fai tu, nono rek uon fana pei;

o pual muer an na an ron afalafal, o muer rapuria an aramas jonai Jutia monison, o Jerusalem, o fanu an Tair o Saiton kana, mi fai to ra pue ron i, o apirakil jonai ar somau kana;

18 O mi riafau fan anu aniapot kana; a apirakil ta ir.

19 O muer monison ra sotonai suku i, pue manaman fai jonai i, apirakil ta ir monison.

20 A ap sara ta uon na an ron afalafal kana, apasa, Mi faiamau ami uoinau kana, pue nomi mueun Kot.

21 Mi faiamau ami mi arak ikana, pue ami au pue mat. Mi faiamau ami mi sonison ikana, pue au pue akakai.

22 Mi faiamau ami, lupuan aramas nimaleti ami, o ainimoi la ami, o asu la it ami ojon rek mi inau, pokitan Na an aramas;

23 Ami puapua lon ran ue, o lus ren ami puapua; pue attuan lunin ami epue rapur lan; pue iei ojon jam ar kana feri nan ai joufos kana.

24 Ami mi pisekasek kana mi riafau, pue ami mi anai ami faiamau kana.

25 Ami mi riafau mi ken mat, pue ami au pue arak. Ami mi riafau mi ken akakai ikana, pue ami au pue nunurok o sonison.

26 Ami mi riafau lupuan aramas monison kapas allim ojon ami; pue iei ojon rek jam ar kana feri nanai joufos rofana kana.

27 Nan I kapas nanai ami mi ken ron, Ami tone mi ken nimaleti ami, feri allim nanai mi amusek ami kana,

28 Kapas allim nanai mi lal inau nan kemi kana, o iotoki mi afor nanai ami kana.

29 En kulu nanai apali i mi ken pikiri jep om; o te amaron jonai om manaku paopao i mi ken uai jonai om jakit.

30 En afana nanai monison mi ken tunorai

rem; o te amarou jonai mi moren nainai jonai en.

31 A ojon ami au pue afriek aramas ra pue feri nan kemi, ami au pue feri nanai ir ojon rek.

32 Kare ami ken tone mi tone ami kana, meta ami epue aronai ren? pue mi tipij kana ra ken tone mi tone ir kana.

33 Are ami feri nanai mi allim ir mi ken feri mi allim nan kemi, ia mi kilijo re ami? pue mi tipij kana ra pual feri ojon rek.

34 O kare ami afana nanai mi epue aluna to kana, meta ami epue aronai ren? pue mi tipij kana ra ken afana nanai mi tipij kana puen anai jonai ir mi ojon rek.

35 A ami au pue tone mi nimaleti ami kana, o feferi allim, o afaname, semen uetai lunin; ami lunin epue lapalap, o ami epue na an Kot, pue i mi umoumar nanai mi semen oraireti kana o mi inau kana.

36 Ami au pue umoumar ojon rek Jam ami a ken umoumar.

37 Au te kine mual, a aramas ra semen epue kine mual nanai ami. Au te tip nanai, o aramas ra semen epue tip nanai ami. Ami sele ta la o aramas ra pue sele jonai ami.

38 Fana la, o ra pue fana to re ami; mi lapalap, mi aura firi, o mi itona tu, o atuparasa tu, aramas ra pue fana to le ami sau. Pue ojon ami fana-la ra pue fana to re ami.

39 A ap kapas nanai ir kapas monenir; Mi masapon ra pue to nanai muanana la mi masapon? Sap ir mi ruaman ra pue pun tu le pao?

40 Ron afalafal aman a semen lap moan na an jounpatak; a monisou mi pue uonerar ra pue ojon rek an jounpatak.

41 Limeita en ken utueli paipai a no le mas

an puim, ap semen okioki ura a no le pokin mas om?

42 A ia ojon om epue kapas nanai puim, Pui, I pue uai jonai paipai a no le mas om, lupuan om semen okioki ura a no le pokin mas om? Mi lukatupatup en; en asu la lom ura a no le pokin mas om, o ap epue utueli firi uai jonai paipai a no le mas an puim.

43 Pue ura allim a sap ua inau, o pual ura inau a sap ua allim.

44 Pue ja kile ura monison jonai an ua; pue aramas ra sap kini jonai muok afur, o pual ra sap kini jonai akuran faniap.

45 Muan allim aman, jonai mi allim isana letip an, a ken uai jonai mi allim; o muan inau aman, jonai mi inau isana letip an, a ken uai jonai mi inau; pue jonai mi ken nura letip an aman, au an ken apasa ta.

46 A limeita ami au ken kapas nan iai Main, Main, ap semen feria ta ai kapas?

47 Aman a ken fai to re i, ron ai kapas kana, ap feria ta, I pue fan nan kemi a ken ojon rek.

48 A ken ojon rek muan aman mi aua ta im, mi ken teu ta pao lolepin, isa ua tu rapin ura uon pero; a puap melimel rapur, ran pupu a ken auot nanai im ue aniau, a soto nanai amokita ta, pue rapin ura a no uon pero.

49 A i mi ken ron ap semen feria ta, a ken ojon rek muan aman mi aua ta im uon puel, sap rapin ura; ran pupu a auot nanai im ue aniau, a ap failakai tur la, a im ue ap kitatere la aniau.

## SOPON 7.

**A**TERI la an kapas monison le jalin an aramas kana, a ken fai la Keperniom.

2 Ronanan an senturion aman mi a ken tone, a somau an epue me la.

3 I mi ron ojon Jisos, a ap kine la ren epuelok samol an Jus koe, tunorai a pue fai to amanaua na an ronanan.

4 Ra fai to ren Jisos, puakero tunorai ren, apasa, A fir nanai en o pue feria ta,

5 Pue a ken tone ainan at, o aua nanai kit sinakok.

6 Jisos ap eta la ir. A lupuan ar arep nanai im an, senturion ue a kine to ren epuelok muan aton, kapas nanai i, Main, o te pokin amor la en; pue nan I sefir nanai om til lon lon im ai.

7 Ie mi ni nan semen lamene ta I mi fir nanai fai la rem; a en apasa rek, nai ronanan epue manau.

8 Pue nan muan kis fan samol rapur, o mi kis fa i ronfiu kana; I ken kapas nanai aman, O it ue, a ap fai la; o kapas nanai aman, O it to, a ap fai to; o kapas nanai nai ronanan, O feri eu oto, a ap feria ta.

9 Jisos a ron kei, ap ueitifenei; a ken sele nanai mi fai la murin, apasa, Nan I apasa nan kemi, I semen uerai mi ken luku lapalap ojon ei ren Jus kana.

10 Mi kine to kana ra luni la le im ue, uerai ronanan somau a manau la.

11 A masatan a ken fai la eu telin im itan Nein; o na an ron afalafal nura etei i, o aramas nura.

12 A lupuan ar arep nanai asaman telin im ue, ra ken ua la muan me la, asak an, ropot lipit aman, nai aman; o ron telin im ue mi nura ra eta la i.

13 Jisos a uerai i, tone, ap kapas nanai i, O te sonison.

14 A ap fai to, suku pap, ron ua la kana ra u tu; a ap apasa, Alual, I kapas nan uk, U ta.



15 Muan me la ap mot ta o rapia ta kapas; a nanai i asak an.

16 Ir monison nuokus aniau, rap maretai Kot, apasa, Joufos lapalap a pue to re at; o pual, Kot a fai to ren na an aramas.

17 A kapas kei ojon i akile faili uon Jutia monison, o uon fanu arep to monison.

18 Na an Jon ron afalafal ra apuere nanai i oto kei monison.

19 Jon ap asore to na an ron afalafal ruaman, kine la ir ren Jisos, aiek, En i mi pue fai to? are je pue uetai aman?

20 Aramas koe ra fai to ren, apasa, Jon Papatais a kine kit to rem, aiek, En i mi pue fai to? are je pue uetai aman?

21 A klok ue rek a ken amanau mi nura jonai somau o ualinau kana, o anu inau kana, o anonol la mi masapon nura.

22 Jisos ap paluanai kapas nanai ir, Ami fai la ura nanai Jon mi ni ami utueli o ron; mi masapon kana ra ken uerai mo ar, mi rikarik kana ra ken fetefetel, mi rup an puater kana ra pirakil ta, mi jalinapin kana ra ken ron, mi me la kana ra ken manau, o ron allim akile nanai mi uoinau kana.

23 O mi faiamau i mi semen turkap re i.

24 Na an Jon ronkine koe ra fai la, a ap rapia ta kapas nanai muer ojon Jon, Ia ami fai la fanu pan ue au pue nana nanai? Alla afor a peipei faili ren asapual?

25 A ia ami fai la au pue utueli? Muan aman faute nanai manaku aure? Attuan ir mi ken faute alin o mi ken afilefil, ra ken nono rek reu samol kana.

26 A ia mi ami fai la au pue utueli? Joufos aman? Euar; I apasa nan kemi, o mi lap moan joufos.

27 Pue ie i a maku tu, Attuan, nan I kine la ai ronkine moan mas om, mi pue maletai al moom.

28 Pue I apasa nan kemi, Semen mo joufos re ir mi ropot ken naikat mi lap moan Jon Papatais; a mi kisakis lon mueun Kot a ken lap moan.

29 O aramas monison mi ken ron, o poplikan kana, ra ken aponi Kot, pue ra papatais ren Jon;

30 A Farisi kana o joumak kana ra ken alalolap kapas an Kot, kitere la pokin ir, pue ra semen papatais ren.

31 Jisos ap apasa, Meta I pue fan nanai aramas an pilon ei? O meta ra pue ojon rek?

32 Ir mi ojon rek at kana ra mot tu lenien rulap, o asasor fenen le ir, apasa, Ja kason nan kemi, ami au semen pupurok; Ja sonison nan kemi, ami au semen nunurok.

33 Pue Jon Papatais a fai to, a semen ani pret te unimi uain, o ami ken apasa, Anu inau a no uon.

34 Na an aramas ap fai to, mona o unimi o ami ken apasa, Attuan, muan monara, o mi ken unimi sokau, atone ren mi inau kana.

35 A tiparem a ken aponi ren na an monison.

36 Farisi aman a ken aulaua i a pue mona ren; a ap til lon lon im an Farisi ue mot tu.

37 Finen telin im ue aman a ken tipij, a kile mi Jisos a mot tu le im an Farisi ue, a ap ua to rume mi po allim,

38 Ap u ta aron pir an murin, sonison, ap rapia ta allo pir an ren ran an mas an, o a ken alla ren mat an makeran, o mitiri pir an, o relifi ren mi po allim.

39 Farisi ue mi ken aulaua i, a ken okioki letip an, apasa, Are muan ei joufos aman, a epue kile ojon ropot a ken suku i, pue mi tipij.

40 Jisos a paluanai kapas nanai i, Saimon, I moren kapas nan uk eu oto. A ap paluanai, Jounpatak, en apasa ta.

41 Muan ruaman ra lunikaimuai nanai muan aman; aman a lunikaimuai rail limapuki, o aman lime.

42 A semen no re ir mi ra pue luni ti, a ap lifan nanai ir ruaman. En ura nan iai, ia re ir epue tone i mi lapalap.

43 Saimon ap paluanai apasa, Nan I kikine i mi a ken lifan nanai mi lapalap. A ap kapas nanai i, Mi uonerar om kapas.

44 A ken kulu nanai ropot ue, ap kapas nanai Saimon, En na nanai ropot ei? Nan I til lon le im om, en sap nan iai ran pue I pue alla pir ai; a i ken alla pir ai ren ran an mas an, o alla ren mat an makeran.

45 En semen metiri ai; a i jonai ai til lon to a semen uk tu jonai metiri pir ai.

46 En semen a pit nanai maker ai mi po allim, a i ken relifi nanai pir ai mi po an puo.

47 Ie mi ni I kapas nan uk, An tipij mi nura amusa la; pue a ken tone lapalap; a i mi a kisakis amusa jonai, a ken tone kisakis.

48 A ken kapas nanai ropot ue, Om tipij kana amusa jonai en.

49 Mi etei i mot tu mona kana ra rapia ta okioki letip ar, Pue ia i mi ken amusa la tipij?

50 A ap kapas nanai ropot ue, Om luku a ken amanaua uk; en fai la renel.

### SOPON 8.

**A** AP feferi murin, mi a ken fai la telin im lapalap kana o telin im kisakis kana, afal-afal o apasa ta mueun Kot; mi seek ruaman koe eta la i,

2 O epuelok ropot mi a ken apirakil jonai anu inau kana o somau kana, Meri itan Makta-lin mi tefil fuman fai jonai,

3 O Joana roniman Kusa souan an Erot, o Susana, o pual mi nura, ra ken atanaki i ren ar pisek kana.

4 A lupuan aramas nura ionok finen ren, mi fai to jonai telin im kana, a ap kapas monamon nanai ir,

5 Ron malemal aman a ken fai la amora faili uan ura; a lupuan an amora faili; epuelok pun u lon ial, ra ap pura la, o man susu fail lan ra ken aniani.

6 A epuelok pun tu uon pero, a ap mare ta, puas la, pokitan puel a moramor.

7 A epuelok pun tu lein kurakur; kurakur kana ap mare ta le ir, pualu la.

8 A epuelok pun tu uon puel allim, ap mare ta, ua fan apuku. A ken apasa ta kei ap mali-ali, Mi jalin an mi or puen ron, a pue ron.

9 Na an ron afalafal ap aiek ren, Ia aueue an kapas monenir ei?

10 A ap apasa, A nanai ami au pue kile mi monamon kana an mueun Kot; a aramas koe ren kapas monenir, pue ra ken utueli ra semen uerai, o ra ken ron ra semen kile.

11 A iei kapas monenir ue; nan mi kapas an Kot;

12 A ir lon ial, ra ken ron, Setan ap fai to uai jonai kapas letip ar, pue ra te alatorik, ap manau.

13 A ir uon pero, ra ken ron, rap puapua ala-sorik kapas; a sor rapin, ra ken alatorik fasoun, a lupuan sotonai ra ken pun tu.

14 A mi pun tu lein kurakur, ra ken ron, rap fai la, o loleilon o morenia o anan an manau ei ap pualu la, ra semen ua.

15 A ir uon fanu allim, ra ken ron ren letip allim o mireit, ap amarou; rap ua ren fer firi.

16 Semen mo a ken apula ta lamp ap pualu nanai sapei te isa tu fan po; pue a ken isa ta uon lenien, pue mi til lon kana ra pue uerai sareu.

17 Pue sor eu oto monamon la mi semen epue puere ta; pual sor eu oto opa la mi semen epue akile o puepue la.

18 Ami au iauper ojon ami ron; pue ra pue apar nanai i mi an mi or; a ra pue uai jonai i mi sor an mi or, oto a ken okioki a mi or.

19 Asak an o puin kana ra fai to ren, ra soto nanai aron pokitan muer.

20 Ra ura nanai apasa, Asak om o puim kana ra u ta likin, moren uerai en.

21 A ap paluanai, kapas nanai ir, Asak ai o pui kana aramas kei mi ken ron an Kot a kapas, alatorik.

22 A ran eu, i o na an ronafalafal koe ra ta ta uon jip; a ap kapas nanai ir, Ja pue fai la sopolan set; rap serok la.

23 A lupuan ar serok la, a ken saipar; ap melimeli ti le set, jip ap ur an lela ra pue mo tu.

24 Rap fai to fanina ta i, apasa, Main, Main, ja pue me la. A ap pue ta, aponi asapual o no an set, ra ap uk tu, lua la aniau.

25 A ap kapas nanai ir, Pue ia ami luku? A ir nuokus o ueitifenedi, rap kapas fenen le ir, Ia ojon muan ei, pue a ken aponi asapual o set, rap alatorik.

26 Ra ap tore fanu an re Katara kana, mi kit tan Kalili.

27 A tua la uon fanu, muan aman, ron telin im ue, runi i, mi ua auu inau leilai, mi falonseleu, a sor no le im, pue a ken nono rek lenien paian.

28 A ken uerai Jisos, ap asore, pun tu moan, ap maliali rapur, apasa, Pue ia ojon lepet at Jisos Na an Kot lapalap? I tunorai rem o te ninni iai.

29 (Pue a kapas nanai anu aniapot a pue fai to jonai muan ue. Pue fan nura a ken, torfi i; o ra ken fetokan nanai i jal mara o jal an pir an; a ap moit safeni jal kana; tefil ap uai la i uon fanu pan.)

30 Jisos ap aiek ren, apasa, Ia it om? A ap apasa, Lijon; pue tefil nura ra til lon lon.

31 Ra ap tunorai ren a te kine la ir ejen lolapin.

32 Nun pik nura nono ia monamona fail uon rukarukta; rap tunorai ren a pue nanai ir ra pue til lon letip ar.

33 A ap nanai ir; tefil kana fai jonai muan ue, ra ap til lon letip an pik kana; nun ue ap kurum la ejen fapal le set, ra ap molum.

34 Ronmas an pik kana ra uerai fefer kei, rap kurum la, fai la, akile faili le telin im, o uon fanu kana.

35 Ra ken fai la pue, ra pue uerai fefer koe; ra fai to ren Jisos, uerai muan tefil ra fai jonai, a mot tu aron pir an Jisos faute, o tiparem la; ra ap nuokus.

36 Mi utueli kana ra ap ura nanai ir ojon, muan anu inau kana ra no uon a ken manau la.

37 Ron fanu an Katara monison rap tunorai i a pue fai jonai ir; pue ra ken nuokus aniau; a ap ta ta uon jip, lun la.

38 Muan ue anu inau kana ra fai jonai, a ken tunorai ren Jisos a pue eta la. A Jisos a ken kine la, apasa,

39 O pue luni la le im om, apuere ta mi ni Kot a feri nan uk. A ap fai la, akile faili le telin im monison mi ni Jisos a feri nanai i.

40 Jisos a lun la, aramas kana rap puapua nanai atua i, pue ir monison uetai i.

41 Muan aman itan Jairos, samol an sinakok ue, a ken fai to, pun tu aron pir an Jisos, tunorai i a pue fai la le im an;

42 Pue na an alaman, lierato aman, manau an lefen enaul mi ruou, a pue me la. Lupuan a fai la aramas ra par fenen ren.

43 A ropot aman ran a seraser jonai lefen enaul mi ruou, a ken arosa an pisek monison, oun nanai ronsefai kana, a semen mo a to nanai apirakil ta i,

44 A fai to murin, suku uonekin an manaku, a failakai mora la seraser an ran.

45 Jisos ap apasa, Ia mi suku ai? Ir monison aman, Piter o rian an koe rap apasa, Main, aramas ra par fenen rem, o pual ru fenen; en ap aiek, Ia mi suku ai?

46 A Jisos ap apasa, Aman a suku ai; pue nan I kile manaman a fai jon iai.

47 Ropot ue a kile a semen monamon la, a ap fai to rer, pun tu moan; ap apuere nanai i moan aramas monison rapin an suku i, o an failakai pirakil ta.

48 A ap kapas nanai i, Nai, o pue apalikalik allim; om luku ai a ken amanau en, fai la renel.

49 Lupuan an kakapas, aman a fai to me im an samol an sinakok ue, kapas nanai i, Nom lierato a me la; o te amor la jounpatak ue.

50 Jisos a ron, ap paluanai, apasa, O te nukus; luku erek, a ap epue manau la.

51 A til lon lon im ue, a semen nanai aman a pue eta la, Piter erek, Jemes, Jon, o jam an, asak an lierato ue.

52 Ir monison ra ken sonison, nunurok nanai i. A ken apasa, au te sonison, a semen me la, pue a ken mair erek.

53 Ra kakaiakanai i, pue ra kile a ken me la.

54 A ap atil ue ir monison, ap anai pa an lierato ue maliali, apasa, Lierato, u ta.

55 Nen an a luni to, a ap failakai u ta; a ap kapas nanai ir ra pue amona i.

56 Jam an, asak an ra ueitifeneni, a ap allik nanai ir ra te ura nanai aman fefer kei.

### SOPON 9.

**A** AP asore fenen na an aposel seek mi ruaman, amana ta ir ra pue nimani anu inau kana, o apirakil ta somau kana.

2 A ap kine la ir ra pue akile faili mueun Kot, o apirakil ta mi somau kana.

3 A ken kapas nanai ir, Ami au te uai eu oto, sap ioio kana, sap sau, sap mona, sap moni, pual sap jakit ruou.

4 A im eu ami au ken til lon, ami ap nono rek ia, ap fai jonai ia.

5 A mi ra semen atua ami, ami fai jonai telin im ue, ap lueta la puel a par nanai pir ami, pue a pue tip nanai ir.

6 Ra ap sou, fai la telin im kana, afalafala ronallim, o apirakil ta ejen monison.

7 Erot kin ue, a ron mi ni monison a feria ta; a ap tip maramar, pokitan epuelok ra ken apasa, Jon a manau jonai me la;

8 A epuelok ra ken apasa, Ilaija a pue ta; a epuelok, Aman jousos an lom koe a ken manau ta.

9 A Erot a ken apasa, Nan I ukifi makeran Jon; a ia i mi nan I ron oto kei ren? A ap moren utueli i.

10 Aposel koe ra luni to, ra ura nanai i ar fefer monison; a ap anai ir, fai la le monamon non fanu pan eu, fanu an telin im itan Petsaita.

11 Aramas kana ra kile, rap fai la murin; a



ken atua ir, kapas nanai ir ojon mueun Kot; o apirakil ta mi somau kana.

12 Seek mi ruaman koe ra fai to lekuniol, kapas nanai i, En kine la aramas koe ra pue fai la sefen lon telin im o fanu arep to kana, mair, o anai an ar mona; pue kit nono rek fanu pan kei.

13 A ap kapas nanai ir, Ami amona ir. Ráp apasa, Sor mona re at, aposuk limou erek o ik ruaman, are je semen fai la ameame nanai ir monison mona;

14 Pue ir aron muan limanerou. A ap kapas nanai na an ron afalafal koe, Ami amot tu ir, lime lon eu puin.

15 Ra ap feria ta, amot tu monison.

16 A ap anai aposuk limon o ik ruaman, sara ta lan, iotokanai ir, ap kinikisi tu, ap nanai na an ron afalafal koe ra pue ainet nanai aramas koe.

17 Ra ap mona, mat, monison; ra ap ion fene ni moramoran a lusur, ruk enaul mi ruou.

18 A lupuan a ken iotok lemonamon la, na an ron afalafal koe ra etei i; a ap aiekanai ir, apasa, Aramas ra ken apasa pue nan ia?

19 Rap paluanai apasa, Jon Papatais; a epuelok ra ken apasa Ilaija; a epuelok aman joufos an lom a ken manau ta.

20 A ap kapas nanai ir, Ami au ken apasa pue nan ia? Piter a ken paluanai, apasa, Na an Kot, Ron Amanau.

21 A ap fanau ir, allik nanai ir ra te ura nanai aman oto ei,

22 Apasa, Na an aramas a pue ninni aniau, o samol kana, samol fel rapur kana, o joumak kana ra pue kaputak i; ra pue ni la i, a elu an ran a epue amanau ta.

23 A ap kapas nanai ir monison, Kare aman

a pue fai to mur i, a pue peluku pokin i, puokai an ura ponok ran monison, ap fai la muri.

24 Pue aman mi kitta manau an, a pue malet jonai; a aman a ken peluku manau an pokitan nan, a epue manaua ta.

25 Pue meta aman a pue faiamau, kare a ken naini feneñi fanufan monison, ap pokin kitatere la, are malet la?

26 Pue kare aman a ken sau etei iai o ai kapas kana, Na an aramas a pue sau etei i lupuan an epue fai to ren an lin, o lin an Jam an, o an ronlan tupuel kana.

27 A enlet nan I apasa nan kemi, epuelok ra u ta kei mi semen epue me la, ra puap utueli mueun Kot.

28 Aualou an ran murin kapas kei, a ken anai Piter, Jemes mi Jon, fai ta uon rukarukta, a pue iotok.

29 A lupuan an iotok, mas an a uili la, o an manaku porapor la o malipalip la.

30 O muan ruaman, Moses mi Ilaija, ra kaka-pas ren.

31 Ra pue ta ren lin, apasa ojon an me la a pue puanua ta Jerusalem.

32 A Piter o mi etei kana, ra rourok ren mair; ra puap nonnol la rap uerai an lin, o muan ruaman ra u ta ren.

33 Ra fai la jonai i, Piter ap kapas nanai Jisos, Main, mi allim nanai kit nono kei; ja pue feria ta im elu, om eu, an Moses eu, an Ilaija eu; pue a ken sikile an kapas.

34 A apasa ta kei, orou ap pualu la ir; rap nuokus ar til lon lon orou ue.

35 Malial a fai to me lon orou, apasa, Nai mi I tone, ami ausalon i.

36 Maliali a fai la, rap uerai Jisos erek. A

ra ken alikmar, ra semen kapas nanai aman lou ran koe oto kei mi ra uerai.

37 Masatan ra fai tu me uou rukarukta; aramas mi nuraia, ra ap runi i,

38 Aman aramas koe a ken asore, apasa, Jounpatak, I tunorai rem o pue sakari nai alual aman, pue nai alaman.

39 A anu aman a ken torfi i, a ap failakai pupurer o a ken tarini i, a ap purapura; a a ken ninni i, semen fai jonai i.

40 Nan i tunorai ren nom ron afalafal kana ra pue asu jonai i, a ra soto nanai.

41 Jisos a paluanai, apasa, O pilon aramas alasolap o ronaiia; ina ta I pue nono rek re ami? ina ta I pue amosona ami? En ua to nom alual.

42 A lupuan an fai to, anu inau ue a ken apun tu i, o tarini i; Jisos ap aponi anu aniapot ue, ap apirakil ta atamuan ue, nanai i ren jam an.

43 Ir monison ap ueitifenei manaman lapalap an Kot. A lupuan monison ra ken lanafauti oto kana Jisos a feria ta, a ap kapas nanai na an ron afalafal kana,

44 Ami isana lon kapas kei le jalin ami; pue ra pue afaname Na an aramas le pa an aramas.

45 A ra sikile kapas ei, a monamon jonai ir, pue ra semen kile; ra ken nuokus aiek ren, ojon kapas ei.

46 Ra ap kapas fenen le ir, ia a pue lapalap re ir.

47 Jisos a ken kile okiok an letip ar, ap anai menkol aman, isa ta aron,

48 A ap kapas nanai ir, Aman a ken atanaki menkol ei, pokitan nan, a ken atanaki ai; o aman a ken atanaki ai, a ken atanaki i mi ken kine ai to. Pue mi kisakis re ami monison, a pue lapalap.

49 Jon ap paluanai, apasa, Main, Ja uerai aman fasinokin en asu la anu inau kana; ja ap kaputak i pokitan an semen eta la kit.

50 Jisos ap kapas nanai i, Au te kaputak i; pue aman a semen pinai kit, a ken panai kit.

51 A tore lupuan a epue puoka ta, a ken lamane ta a pue fai la Jerusalem;

52 A kine la epuelok ronkine moan mas an; rap fai la, til lon lon eu telin im an re Sameria kana; ra pue ammore nanai i.

53 Ra semen atua i, pokitan mas an ojon rek a pue fai la Jerusalem.

54 Na an mi ruaman, Jemes mi Jon, ra uerai; rap apasa, Main, o semen epue afirik ja pue allik nanai ief me lan a pue fai tu fiki ir, ojon Ilaija a ken feria ta?

55 A ap sele sefel, aponi ir, ap apasa, Ami sikile ojon lamalam an letip ami.

56 Pue Na an aramas a semen fai tu a pue kitere la manau an aramas, pue a pue amanaua rek. Ra ap fai la eu telin im.

57 A lupuan ar fai la lon ial, aman a ken kapas nanai i, Main, I pue fai la mur om ejen monison.

58 Jisos ap kapas nanai i, Foks kana leni ar mi no, o man susu fail kana fas ar mi no; a Na an aramas sor ejen an ulin an.

59 A ap kapas nanai aman, En fai to mur i. A ap apasa, Main, en nan iai I pue fai la lom, paianai jam ai.

60 Jisos ap kapas nanai i, Mi me la kana ra pue pokin paianai pokin ar mi me la kana; a en fai la akile faili mueun Kot.

61 Pual aman apasa, I pue fai la mur om, Main; a en nan iai I pue lun la lom muramur nanai ron im ai.

62 Jisos ap kapas nanai i, Semen mo a ken rapia ta eu anan, ap tip maramar mi pue fir nan mueun Kot.

## SOPON 10.

**M**MURIN oto kei, Jisos a seika ta pual mi fik, kine la ir, ruaman, ruaman, moan mas an, lon telin im o fanu monison a moren fai la uon.

2 A ap kapas nanai ir, Rak mi rapur, a ronan nan mi nu kisakis; ami au tunorai Samol an rak a pue kine to ronanan kana lon an rak.

3 Ami fai la; attuan nan I kine la ami ojon rek apen an jip kana lepeten uolf kana.

4 Au te ua la moni, te mona, te tikatik an pir ami; au te ran allim nanai aman lon ial.

5 Ami au ken til lon lon im eu, au pue apasa lom, Renel nanai im ei.

6 Kare na an renel a nono rek ia, ami renel a pue nono uon im ue; are sor, ami renel a pue luni to re ami.

7 Ami au nono rek lon im ue rek, ani, unimi mi ni ra nanai ami; pue ronanan a ken fir nanai lunin. Au te oian im faili.

8 Ami au ken til lon lon telin im eu, o ra ken atua ami, ami ap aniani mi ni ra nanai ami.

9 Ami apirakil ta mi somau kana lon telin im ue, ap kapas nanai ir, Mueun Kot arep nanai ami.

10 Ami au ken til lon lon telin im eu, o ra semen atua ami, au pue fai la lon ial an telin im ue, apasa,

11 Ja lueta la puel an ami telin im a ken par nanai kit, tip nanai ami; a sor, ami au pue kile mueun Kot arep nanai ami.

12 A nan I apasa nan kemi, Sotom a pue ninni kisakis jonai telin im ue, lon ran ue.

13 Riafau nan uk Koresin, riafau nan uk Pet-

saita; pue kare manaman rapur kana fefer lon ami, fefer lon Tair o Saiton, ra pue aiar lom, mot tu lon manaku an nunurok o fas.

14 A Tair o Saiton ra pue ninni kisakis jonai ami lon ran an atikenlau ue.

15 A en, Keperniom, mi faiamau tore lan pue asu tu le El.

16 Mi ausalon ami a ken ausalon ai; o mi ken mamual ki ami a ken mamual ki ai; o mi mamual ki ai a ken mamual ki i mi ken kine ai to.

17 Mi fik koe ra luni to renel, apasa, Main, pual anu inau kana ra alasorik kit fasinokin en.

18 A ap kapas nanai ir, Nan I utueli Setan ojon rek fifi a pun tu me lan.

19 Attuan nan I amana ta ami, au pue pura tu tikitol kana o manupon kana, o manaman monison an mi pinai kana.

20 A sor, au te puapua ren kei, mi anu inau kana ra alasorik ami; ami puapua pokitan it ami ra maku tu lan.

21 Lon fasoun ue rek Jisos a ken puapua letip an, ap apasa, I maretai en, Jam ai, Samol an lan o fanufan, pue en amona jonai oto kei mi tiparem kana o mi leponkor kana, ap apuere nanai ir at kana.

22 Jam ai a ken nan iai oto monison; a semen mo a ken kile ia mi Na an pue Jam an erek; o pual ia mi Jam an, pue Na an erek, o ir mi Na an a pue apuere nanai.

23 A ap sele sefel nanai na an ron afalafal kana, kapas nanai ir erek, Lemas kana ra faiamau mi ken uerai oto kana ami ken uerai,

24 Pue I apasa nan kemi, joufos nura o kin nura ra moren uerai mi ni ami ken uerai, a ra semen uerai; o ron mi ni ami ken ron, a ra semen ron.

25 A joumak aman a ken u ta sotonai i, apasa,

Jounpatak, meta I pue feri pue I pue uerai manau?

26 A ap kapas nanai i, Meta a maku tu puk an allik an Moses? Ia ojon om aleanai?

27 A ap paluanai, apasa, O pue tone Jioua om Kot, ren letip om monison, o ren nen om monison, o ren om pirakil monison, o ren okioki om monison; o pual aramas arom, ojon rek pokin en.

28 A ap kapas nanai i, Mi uonerar om kapas; en feria ta kei, o pue manau.

29 A i a moren pokin auonerara i, a ken kapas nanai Jisos, Pue ia aramas aroi?

30 Jisos a paluanai, apasa, Muan aman a fai jonai Jerusalem, fai tu Jeriko, ap pun tu ren ronsole, ra ken uai jonai an manaku, o ninni i, ra ap fai la, a pue me la.

31 Samol fel aman a fai la lon ial, uerai i, a ap fai la jonai.

32 A pual Lifait aman, a fai to, ap utueli i, a ap fai la jonai.

33 A re Sameria aman a ken urur; a ap fai to ren, a uerai i, ap tone i.

34 A ap kin to ren, sefai anai kinos an kana, ap tikima la; a ap isa ta i uon pokin na an man, muanana la i le fel eu, atanaki i.

35 Masatan, lupuan a pue sou, a ken anai rail ruou, nanai samol an fel ue, kapas nanai i, En atanaki i; o eu oto en pual rian nanai, nan I pue luni nan uk I puap lun to.

36 Ia ren mi eluman koe o ken lamene ta a ken aramas aron muan ue a pun tu ren ronsole kana?

37 A ap apasa, Iei mi ken kilerou nanai i. Jisos ap kapas nanai i, O pual fai la, feri ojon rek.

38 Lupuan ar fai la, a ken til lon lon teliu im

eu; ropot aman itan Marta a ken atua i le im an.

39 Pui ano, itan Meri, a ken mot tu aron pira an Jisos, ron an kapas.

40 A Marta a ken sor tak ren anan nura; a ap fai to apasa, Main, en san loleilon akanai pui a ken likita la nan en anan lao? En kapas nanai i a pue alisi ai.

41 Jisos ap paluanai, kapas nanai i, Marta, Marta, o ken loleilon akanai o apinku ueiuei ren oto nura.

42 Oto eu rek mi aure, a Meri a ken fili ta uis an allim a semen epue uai jonai.

### SOPON 11.

**A** LUPUAN an iotok ejen eu, a puap uk tu, aman na an ronafalafal kana a ken kapas nanai i, Main en afalafala kit iotok, ojon rek Jon a ken afalafala na an ronafalafal kana.

2 A ap kapas nanai ir, Lupuan ami iotok, ami apasa, Jam at mi nono lan; it om en fel; mueu om en fai to; letip om en fefer fanufan ojon rek lan;

3 En amona kit ran monison.

4 Amusa jonai kit at tipij kana, pue kit pual amusa jonai monison mi feri inau nanai kit; o te muanana la kit ren mi atupu kana; a en anasa jonai kit mi inau kana.

5 A ap kapas nanai ir, A ia re ami mi aman a ken tone, mi pue fai la ren luk an pon, ap kapas nanai i, Pui, en ati nan iai aposuk elu;

6 Pue pui aman a urur to rei, a sor mona rei I pue nanai i.

7 A i mi ken nono lon, a ken paluanai, apasa, O te amor la nan; pue asaman apuna la, o nai at kana ra iuel la rei uon po; I soto nanai u ta ati nan uk.



8 *Nan* I apasa *nan* kemi, kare a semen epue u ta, ati *nanai* i pokitan puin, a pokitan an *tunora rini* a epue u ta, ati *nanai* mi ni a moren *anai*.

9 *Nan* I apasa *nan* kemi, *Tunorai*, o a epue ati *nan* kemi; kitta, ami au pue uerai; *firifirini*, a pue suk *nan* kemi.

10 Pue monison mi aiek, ra ken *anai*; mi kitta, a ken uerai; o mi *firifirini*, a pue suk *nanai* i.

11 Kare atamuan aman a ken *tunorai* pret ren aman ami iei jam an, a pue ati *nanai* i fau eu? kare a ken *tunorai* ik aman, a pue siuli *nanai* i tikitol?

12 O kare a ken *tunorai* sokul, a pue *nanai* i manupon?

13 A kare ami mi ken *inau*, kile ati *nanai* oto allim nomi at kana, enlet *aniau* Jam ami a nono lan a pue *nanai* *Nen Fel* mi *tunorai* i kana.

14 A ken asu *jonai* anu *inau* aman, mi aumar. Anu *inau* a fai *jonai*, mi aumar a ken kakapas; aramas kana ra lanafauti.

15 A epuelok ir ra ken apasa, A ken asu la anu *inau* kana *fasinokin* *Pelsepop* samol an anu *inau* kana.

16 O epuelok ra ken sotonai i, *tunorai* akakilan me lan.

17 A i a kile ar okiok kana, ap kapas *nanai* ir, Mueu monison a apap sefeni, a pue kitatere la; o puipei eu a apap sefeni, a pue kitatere la.

18 Kare Setan apap *nanai* Setan, ia ojon mueu a pue puanua ta? Pue ami apasa I ken asu la anu *inau* *fasinokin* *Pelsepop*.

19 Kare *nan* *fasinokin* *Pelsepop* asu *jonai* anu *inau*, *fasinokin* ia nomi kana ra ken asu *jonai*? Ra pue atikenlau ami.

20 A kare *nan* I asu *jonai* anu *inau* kana fasi-

nokin pa an Kot, enlet mueun Kot arep nan kemi.

21 Lupuan muan pirakil aman a ken amani-mani im an, an pisek kana epue nikanik allim.

22 A lupuan mi pirakil jonai i a pue fai to, puararo i, a pue uai jonai i an pisek an fiu a ken luku, ap maronai an pisek kana.

23 Mi semen panai iai a ken pinei ai; mi semen etei ai ion fenei, a ken kupet feseni.

24 Anu aniapot a fai jonai muan aman, a ken urur fail uon fanu puas la, kitta asok; a sa uerai, a ken apasa, I pue lun la le im ai mi I fai to jonai.

25 A ap fai to uerai i a pona ue, o amole ta.

26 A ap fai la, anai pual anu fuman mi inau jonai i, rap til lon nono rek ia; sopolan muan ue mi inau jonai le rapin.

27 A lupuan an apasa ta kei ropot aman ren muer ue a maliali, kapas nanai i, Mi faiamau letip a ken naikat en, o tut kana en tut.

28 A ap kapas nanai i, Attuan ra faiamau mi ron an Kot a kapas, ap amarou i.

29 A lupuan aramas ra parapar fenen, a rapia ta apasa, Pilon ei mi inau; ra ken kitta akakilan, a sor akakilan epue ati nanai ir, akakilan Jona jufos ue erek.

30 Pue ojon rek Jona a ken akakilan nanai re Ninifa kana, ie ojon Na an aramas a pue akakilan nanai pilon ei.

31 Ropot kin me paliior a pue u ta lon ran an atikenlau ue etei aramas an pilon ei, tip nanai ir; pue a ken fai to me sopolan fanufan a pue ron tiparem an Solomon; o attuan mi lap moan Solomon a nono kei.

32 Re Ninfefa kana ra pue u ta lon ran an atikenlau ue etei pilon ei, ap tip nanai ir; pue ir

mi aiar ren afalafal an Jona; o attuan mi lap moan Jona a nono kei.

33 Semen mo a ken apula ta lamp, ap isa tu le monamon, are fan sapei; pue a ken isa ta uon leni an, pue monison ra til lon to ra pue uerai.

34 Sarem an aion le mas an; kare le mas om mi allim, aion om monison epue sareme la; kare mi inau, aion om epue rotopuak.

35 En atper pue sareme ano rem a te rotopuak.

36 Kare aion om monison asareme la, sor ejen rotopuak, monison a pue sareme la, ojon rek fasoun lamp malipalip a ken asareme en.

37 Lupuan an kakapas, Farisi aman asore i a pue mona ren; a ap til lon, mot tu.

38 Farisi ue utueli, a ap ueitifene ni a sap alla moan mona.

39 Jisos ap kapas nanai i, Attuan ami Farisi kana alla likin pot o sapei; a letip ami ur an morenia o mi inau.

40 Mi puor ami; semen i rek mi feria ta likin a ken pual feria ta lon?

41 Mi allim peluku ami pisek kana, a attuan monison epue porapor nanai ami.

42 A riafau nanai ami Farisi kana, mi ken asaron anu ren enaul an uarin, ru, o pisek kiskakis monison; ap asu la uonerar, o an Kot a ton; mi allim feferi kei, o pual semen asu la kona.

43 Riafau nanai ami Farisi kana; pue ami au ken afiriek lenien samol lon sinakok kana, o kapon kana lenien rulap kana.

44 Riafau nanai ami joumak o Farisi kana mi lukatupatup; pue ami ojon rek paian mi semen puepue la, o aramas fetefetel uon ra sikile.

45 Aman joukupas ap kapas nanai i, Jounpatak, En apasa ta kei o ken pual tip nanai kit.

46 A ap apasa, Pual riafau nanai ami joukapas; pue ami isa ta uon aramas puok ir mi rourok; a pokin ami au semen alisi puokai ren aiti afor.

47 Riafau nanai ami, pue ami aua ta paiau joufos kana; o jam ami kana ni la ir.

48 Attuan ami apuere ta ami tipe eu ren fefer an jam ami kana; pue ra ni la ir, o ami aua ta ar paian kana.

49 Ie mi ni tiparem an Kot a ken apasa, I pue kine la re ir joufos kana o uanporon kana, o ra pue ni la epuelok ir, o ninni epuelok;

50 Pue pilon aramas ei pue atikenlau ren ran joufos monison asera la jonai rapin lom;

51 Jonai ran Epel tore ran Sakaraias a ni la lepet an ron o im fel; enlet nan I apasa nan kemi, pilon aramas ei ra pue atikenlau ren.

52 Riafau nanai ami joukapas; pue ami asu la susu an tiparem; pokin ami au semen til lon, a mi pue til lon kana, ami ken amarou.

53 A kapas nanai ir oto kei, joumak kana o Farisi kana ra rapia ta kom nanai i aniau, ap aiekanai i oto nura.

54 Ra oparai i, o sotonai liape to eu oto jonai an an, pue ra pue tip nanai i.

## SOPON 12.

**M**UER nuraia mou fenen, ra ken pur ir la; a ap rapia ta kapas nanai na an ronafalafal kana, Ami mon lom lefen an Farisi kana mi lukatupatup.

2 Pue sor eu oto opa la, a semen epue puere ta; o monamon la a semen epue kile.

3 Mi ni ami apasa ta lon rotopuak, a epue ron lon sarem. O mi ni ami apasa nanai jalinan le monamon la, a pue akile faili uon im kana.

4 Nan I apasa nan kemi, tone ai kana, au te

nuokus ir ra ken ni la aion at, a murin ra soto nanai, feri eu oto.

5 A nan I apuere nan kemi mi ami au pue nuokus; au nuokus i a ken ni la, ap to nanai asu tu le el.

6 Sap lurok limman luni nanai peni ruou? A Kot semen monlukala aman ir.

7 Mak an maker ami monison ra aleanai; ami au te nuokus pue ami aureia jonai lurok nura.

8 Nan I apasa nan kemi, aman a ken apuere nanai aramas ie mi nai, i mi Na an aramas a pue naini la ren ronlan kana.

9 A aman a ken amam iai ren aramas, I pue amam i ren ronlan an Kot kana.

10 Aman a ken apasa ta eu kapas pinai Na an aramas, a pue amusa la; a i mi ken asaia Nen Fel, a semen epue amusa la.

11 Ka puap liape la ami ren sinakok kana, o samol kana, o joukel kana, au te okioki sokon ami kapas, are mi ni ami au pue maliali.

12 Pue Nen Fel a pue aiti nan kemi fasoun ue rek mi ni ami au pue apasa.

13 Aman ren muer koe ap kapas nanai i, Jounpatak, en kapas nanai pui a pue ainet nan iai uis ai.

14 A ap kapas nanai i, Muan, ia mi seika ta nan ronapon are joukel re ami?

15 A ap kapas nanai ir, Ami mon o auper morenia pisek; pue a sap manau an aramas an pisek nura.

16 A ap apasa nan ir kapas monenir eu, apasa, Fanu an muan pisekasek aman a ken ua aniau.

17 A ap okioki letip an, apasa, Meta I pue feri pue sor ejen I pue isais ia ai pisek kana.

18 A ap apasa, Ie mi nan I pue feri; I pue toropas la ai im an isais kana, ap ana ta epuelok

mi lap mo ar. I ap epue isais ia ai mona kana o pisek kana.

19 I ap epue kapas nanai nen i, Nen i, nom pisek nura nanai lefen nura mi isais nan uk; en kinamue; mona o unimi, o puapua.

20 A Kot a ken kapas nanai i, En mi puor; manau om epue uai jonai en le pon ei; ia ap epue naini la pisek mi en isais fenen?

21 Aman a ken isais fene ni nanai pokin i, ap sap pisekasek nanai Kot a pue ojon rek.

22 A ap kapas nanai na an ronafalafal koe, Iei mi ni I apasa nan kemi, au te okioki manau ami, mi ami epue mona; au te okioki aion ami mi ami epue faute nanai.

23 Manau ami mi aure jonai mona, o aion ami mi aure jonai manaku.

24 Ami okioki refen kana, pue ra semen fetoka tu, are talu; sor ar im an isais are ejen an isana, pue Kot a ken amona ir. Ami san aure jonai man susu fail kana aniau?

25 Pue ia re ami a pue okioki ap to nanai aleilai manau an naf eu?

26 Kare ami soto nanai mi kisakis, limeita ami ken okioki mi lusun kana?

27 Ami okioki kiop kana ojon ar mare ta; ra semen anan are teranai; a nan I apasa nan kemi Solomon lupuan an lin monison a semen faute alin ojon rek eu ir.

28 Kare Kot a ken faute ojon ei fetel, a ken nono rek ikana le malamal, ap asu tu le um masatan, a semen enlet aniau a pue faute nanai ami mi luku kisakis kana?

29 Ami au te kitta mi ami epue mona te unimi; ami au te tip maramar.

30 Pue ainan an fanufan kana ra ken kitta kei monison, a Jam ami a ken kile mi pue allim nanai ami.

31 Ami kitta lom mueueun Kot, o kei monison ra pue apar nan kemi,

32 Puipui kisakis, au te nuokus; pue Jam ami a ken afiriek ati nan kemi mueue ue.

33 Ameame la ami pisek, ap kisan nanai mi uoinau kana. Feri nanai pokin ami sau ra semen epue mes; isais fenen lan pisek kana ra semen epue ta, ejen ronsole a semen arep nanai, are likmuean kitere la.

34 Pue letip ami ra pue nono rek ren ami pisek kana.

35 Lukalep ami epue nokanok fenen, o ami lamp kana epue pulapul ta.

36 O ami epue ojon rek aramas ra ken uetauet ar samol a pue lun to jonai apupuilu, pue a puap fai to firifirini ra pue failakai suk moan.

37 Ronanan kana ra pue faiamau, samol a ken fai to uerai ir mamasa. Enlet I apasa nan kemi a pue nokanoku lukalep an, amot tu nanai tepel ir, ap fai to atanaki ir.

38 Kare a fai to luk an pon, are luk an pon sola, ap uerai ir mamasa, ronanan koe ra pue faiamau.

39 Ami au kile kei; kare samol an im a ken kile fasoun ronsole a pue fai to, a pue mamasa, a sap nanai im an a pue sole.

40 Ami au amole ta, pue Na an aramas a pue fai to fasoun ami sap okioki.

41 Piter ap kapas nanai i, Main, en apasa nan kemem kapas monenir ei, are aramas monison?

42 Jisos ap apasa, Pue ia souan aman mireit o tiparem, mi na an samol a pue seika ta moan na an kana monison pue a pue ainet nanai ir mona fasou an.

43 Ronanan ue a faiamau mi na an samol a pue fai to uerai i a feferi kei.

44 Milet, *nan* I apasa *nan* kemi, a pue seika ta i souan na an oto monison.

45 A kare *ronanan* ue a pue apasa letip an, Ai samol a ken akaimuai an fai to; ap *rapia* ta upup *ronanan* muan mi ropot, ap mona, unimi, ap puor la;

46 Samol an *ronanan* ue a pue fai to ran a semen okioki, o fasoun a semen kile, ap ukif feseni, *nanai* i uis an ren mi alasolap kana.

47 *Ronanan* aman a ken kile letip an na an samol, a ap semen amole ta, are feri ojon letip an, a pue ninni aniau.

48 A aman a semen kile, ap feria ta mi fir *nanai* ninni, a pue ninni kisakis. Aman ra *nanai* mi nura, ra pue uai jonai mi nura; aramas ra *nanai* aman mi nura, ra pue uai jonai i mi lapalap.

49 *Nan* I fai to I pue sone ta ief fanufan, a *nan* I morenia a pulapula ta.

50 Papatais eu I pue papatais ren, a *nan* I rourok aniau a puap ateri la.

51 Ami kikine *nan* I fai to atipe poku fanufan? Ap; *nan* I apasa *nan* kemi, pue ainimoi feseni.

52 Pue *rapia* ta ikana, limman ron im eu ra pue ainimoi feseni, ruaman eu eluman eu, o eluman eu ruaman eu.

53 Jam an a pue ainimoi jonai na an muan o na an ainimoi jonai jam an; asak an a pue ainimoi jonai na an lierato, o lierato ainimoi jonai asak an; asak an a pue ainimoi jonai *roniman* na an muan, o *roniman* na an muan ainimoi jonai asak an.

54 A ap kapas *nanai* aramas koe, Ami puap uerai orcu a pue ta me apilan ami failakai apasa, A pue ut; a ap puanua ta.

55 Asapual an palior a ken en to, ami ap apasa, A pue pue/ikar; a ap puanua ta.



56 Ami lukatupatup; ami kile akakilan mas an fanufan o lan; a ia ojon ami sikile akakilan fasoun ei.

57 Limeita ami au sa pokin lamene ta mi uonerar?

58 Lupuan om fai la ren samol etei mi nimallet uk, en puakero sotonai nas jonai i lon ial; pue a te afaname en ren ronapon, o ronapon ap afaname en ren ronfautok, o ronfautok ap asu ti en le im an fautok,

59 Nan I apasa nan uk, o sap fai jonai ia en puap luni ta om moni monison.

### SOPON 13.

**E**PUELOK ra nono ren Jisos fasoun ue mi ken ura nanai i ojon epuelok re Kalili Pailat a ken afit nanai ra ar asaron anu kana.

2 Jisos a paluanai kapas nanai ir, Ami okioki ra mi tipij lap jonai re Kalili monison pokitan a feri nanai ir oto kei?

3 I apasa nan kemi, Ap; pue kare ami au sap aiar, ami monison epue kitatere la ojon rek.

4 O aramas seek mi ualuman koe im tokia an Sailoam a tur tu uo ir, ni la ir; ami okioki ra mi inau jonai aramas monison mi ken nono rek Jerusalem?

5 I apasa nan kemi, Ap; pue kare ami au sap aiar, ami epue kitatere la ojon rek.

6 A ap kapas nanai ir kapas monenir ei; Na an aman ura fik a fetoka tu le mal an; a ap fai to kitta ua, a semen uerai.

7 A ap kapas nanai ronanan an mal an, Lefen elu nan I fai to kitta uan ura fik ei, ap semen uerai; ukifa tu i; limeita a ken pualu la fanu?

8 A ap paluanai, kapas nanai i, Main, en pual puai jonai lefen ei, I puap amoru le rapin, o nanai puel allim;

9 Kare a pue ua ; are sor, en epue ukifa tu.

10 A ken afalafala lon eu sinakok ran an fel.

11 Ropot aman a somau lefen enaul mi ualou ; a ken tukulol fenen, a soto nanai uonetai.

12 Jisos a uerai i ap asore to, ap kapas nanai i, En amusa jonai om somau.

13 A ap ati la pa an uon ; a ap failakai uonetai, ap maretai Kot.

14 Samol an sinakok ue a ken ier pokitan Jisos a pirakil ta ran an fel, ap kapas nanai aramas, Ran uonou mi allim nanai anan ; ami fai to apirakil ta lon ran koe, sap ran an fel.

15 Jisos ap paluanai i, apasa, Muan lukatupa-tup en ; sap ami monison au ken amusa la nomi kau kana o as kana jonai leni ar, muanana la ir ra pue un ran ?

16 A ropot ei na an Epream aman, Setan a ken fautokanai lefen enaul mi ualou, a san allim a pue mus jonai an fautok ran an fel ?

17 A ken apasa ta kei, mi nimaleti i kana ra ap sau ; aramas monison ra puapua ren manaman monison a ken feri.

18 A ap apasa, Meta mueun Kot a pue ojon rek : o meta I pue fan nanai i ?

19 A ken ojon rek uan uarin, aramas aman a ken anai fetoka tu le mal an ; a ap mare ta, feria ta ura rapur afor, o man susu fail lan ra ken fas uon kan an kana.

20 A ap pual apasa, Meta I pue fan nanai mueun Kot ?

21 A ken ojon rek lefen ropot aman a ken anai opa la lon sapei an flaur elu, monison a puap mar la.

22 A pue fai la Jerusalem a ken uone nanai telin im kana o fanu kana afalafala.

23 Aman ap kapas nanai i, Main, mi nu kiskis ra pue manau ? A ap kapas nanai ir,

24 Ami au pue arourou nanai pue au pue to nanai asaman re kisakis ue. Pue nan I apasa nan kemi, mi nura ra pue sotonai til lon, rap soto nanai.

25 Samol an im a puap u ta apuna la asaman o ami rapia ta u ta firafirini asaman, apasa, Main, Main, en suk nan kit; a epue paluanai, apasa nan kemi, Nan I sikile ami; auki to me ia.

26 Ami ap epue rapia ta apasa, Ja mona o unimi rem, o en afalafal lon ial at kana.

27 A epue apasa, I apasa nan kemi, I sikile ami, auki to me ia; au fai la jon iai, monison mi feria ta mi inau.

28 Ami epue sonison o asinara ni lupuan ami uerai Epream, Aisak mi Jekop o joufos kana lon mueun Kot, o ami asu jonai.

29 Ra pue fai to me majailan o apilan o paliafon o palior, mot tu lon mueun Kot.

30 A attuan mi kaimuai ra pue failakai, o mi failakai ra pue kaimuai.

31 Epuelok Farisi ra fai to ran ue rek, kapas nanai i, En it ue, fai jonai kei, pue Erot a pue ni la en.

32 A ap kapas nanai ir, Ami fai la kapas nanai foks ue, Attuan, I ken asu jonai anu inau kana, o apirakil ta mi somau kana, ikana, o lao, o kulon I pue ateri la.

33 A I pue urur la ikana, o lao, o kulon; pue joufos aman a soto nanai ni la likin Jersualem.

34 O Jerusalem, Jerusalem, o ken ni la joufos kana o arei nanai mi ken kine to rem kana; fan nura nan I moren ion fenei nom kana ojon rek malek na an kana fan pa an; ami ap uet.

35 Attuan im om a pan nan uk; enlet I apasa nan kemi, ami au sap uerai iai tore fasoun ami epue apasa, Mi faiamau i a ken fai to fasinokin Jioua.

## SOPON 14.

**A** KEN til lon lon im an aman Farisi samol ran an fel, a pue mona; ra ap mamasa i.

2 Aman muan a nono moan mi somau pou pou.

3 Jisos ap paluanai, kapas nanai joumak kana o Farisi kana, apasa, Mi uonerar apirakil ta ran an fel?

4 Ra ap alikmar. A ken anai i, apirakil ta, ap kine la i;

5 A ap paluanai ir, apasa, Pue ia re ami mi na an as are kau a pun tu lon pao a sap epue failakai puoka ta i ran an fel?

6 Ra ap soto nanai paluanai i ojon oto kei.

7 A ken kile ojon mi aulaua kana ra ken fili ta leni an samol kana ap kapas nanai ir kapas monenir, apasa,

8 Aman a ken aulaua en nanai apupuilu, o te mot tu leni an samol, pue mi lap mo om a te aulau to;

9 A ap fai to, o i mi ken asore uk o i a pue kapas nan uk, En nanai muan ei leni an; en epue rapia ta sau mot tu leni an mi kisakis.

10 Aman a ken aulaua en, o pue fai la mot tu leni an mi kisakis; pue muan a ken aulaua en ap fai to kapas nan uk, Pui, en fai to leni an samol; mi etei uk mona kana, ra pue maretai en.

11 Pue aman a ken pokin alapalap, a pue asa-puila tu; o aman a ken pokin akisakis, a pue seika ta.

12 A ap kapas nanai muan a ken aulaua i, Eu ken feria ta ailaue lelauas are lesautik, o te asore puim kana, te aramas en ken tone, te afilefil om kana, te mi pisekasek kana ra nono arom; pue ra te pual asore uk, luni nan uk.

13 A en ken feri ailaue, o ap asore mi uoinau, mi pa ar sop, mi rikirik, mi masapon;

14 O ap faiamau; pue ra soto *nanai luni nan uk*; pue a pue luni *nan up lupuan paian allim kana ra pue manau ta*.

15 Aman ir etei i mona kana a ron kei, ap kapas *nanai i*, Mi faiamau aman a pue mona pret lon mueun Kot.

16 A ap kapas *nanai i*, Aman muan a ken feria ta fetelalap rapur, ap asore mi nura.

17 A ap kine la na an *ronanan aman*, a tore lupuan fetelalap, kapas *nanai mi asore to kana*, Ami au fai to, pue monison amole ta.

18 A ir monison tipe eu rapia ta tunorai jonai. Aman kapas *nanai i*, *Nan I ameame fanu eu*, I pue fai la utueli; I tunorai rem o pue kine iai la.

19 Aman a ken apasa, *Nan I ameame riari an kau limou*, I pue fai la sotonai ir; I tunorai rem o pue kine iai la.

20 Aman a ken apasa, *Nan I ronimanai ropot aman*; ie mi ni I soto *nanai fai la*.

21 *Ronanan* ue ap fai la ura *nanai na an samol oto kei*. Samol ue ap ier aniau, ap kapas *nanai na an ronanan ue*, O failakai ue lon ial relap kana, o ial rekisakis kana muanana to mi uoinau kana, mi pa ar sop kana, mi rikarik kana o mi masapon kana.

22 *Ronanan* ue ap apasa, Main, a feferi ojon om kapas; a lenien epuelok pual no.

23 Samol ue ap kapas *nanai na an ronanan ue*, En fai la lon ial kana o malamal kana atakena to ir; pue im ai a pue ur la.

24 Pue I apasa *nan kemi semen aramas mi asore to kana pue narai ai fetelalap*.

25 Aramas nuraia eta la i; a sele sefel kapas *nanai ir*,

26 Kare aman fai to rei ap semen *nimaleti jam an, asak an, o roniman, o na an at kana, o*

puin, monai an, o pual pokin manau an, a soto nanai ai ronafalafal.

27 O aman a sap ua la an ura ponok, fai la muri, a soto nanai ai ronafalafal.

28 Pue ia re ami okioki a pue aua ta im tokia, a semen mot tu lom aleanai lunin, are a epue to nanai ateri la?

29 Pue a te rapia ta ap soto nanai ateri la, mi utueli kana rap rapia ta kakaiakanai, apasa,

30 Muan ue a rapia aua ta im, ap soto nanai ateri la.

31 O ia samol aman a fai la nanai aman samol a pue maun nanai, a sap mot tu lom, okioki are a pue to nanai ren kitan, fiu la nanai i mi ken fai to ren ruokitan?

32 Are a soto nanai, lupuan samol ue a ken nono kuku la, a ken kine la epuelok ronkine, tunorai ren a pue tina mueu allim.

33 Pual ojon rek, aman ami a sap peluku an pisek monison, a soto nanai ai ronafalafal.

34 Mi allim solt, are solt a inau la, meta epue anou la?

35 A sap allim nanai fanu, a sap allim nanai pei; aramas ra ken asu la. Aman jalinan mi or an ron, a pue ron.

### SOPON 15.

**P**OPLIKAN kana o mi .tipij kana ap arep nanai i pue ra pue ron.

2 Farisi kana o joumak kana ap puon, apasa, A ken atua mi tipij kana, o etei ir mona.

3 A ap kapas nanai ir kapas monenir ei, apasa,

4 Ia muan re ami na an jip apuki, aman ir a malet la, a sap epue likita la tue mi tuaman le uaras, ap fai la kitta mi malet la, a puap uerai i?

5 A uerai i, a ken aufara ta i renel.

6 A fai la le im an, a ken asore fenen puin kana o mi no aron kana, kapas nanai ir, Au etei iai puapua, pue I uerai ai jip a malet la.

7 I apaso nan kemi, iei ojon ra pue puapua lan pokitan mi tipij aman a ken aiar, lap jonai ar puapua pokitan mi tupuel tue mi tuaman, ra sap aiar.

8 Are ia ropot na an moni enaul, are eu malet la a sap epue apula ta lamp, o pona ue, o kitta firi apuap uerai ?

9 A ken uerai, a ap asore fene ni puin kana o ropot no aron kana, apasa, Au etei iai puapua, pue I uerai ai moni a malet la.

10 Iei ojon I apasa nan kemi, ronlan an Kot kana ra puapua pokitan mi tipij aman a ken aiar.

11 A ap apasa, Muan aman a no, mi na an muan ruaman.

12 Mi akis re ir kapas nanai jam an, Jam ai, en nan iai uis ai an om pisek,

13 A ap ainet nanai ir oto monison, A murin ran nu kisakis, muan ue kis a ken ion fene ni, monison, ap fai la uon fanu kuku la, fanaserou la na an pisek, feferi inau.

14 A fanaserou la monison, fanu ue ap mailen ta aniau. A ap rapia to arak.

15 A ap fai la par nanai re fanu ue aman ; a ap kine la i le mal an, a pue amona pik kana.

16 A moren aniani uan ura mi pik ra ken mona ; a semen mo atanaki i.

17 A puap tiparem la a ken apasa, Fitaman ronanan an jam ai, an ar mona ano o lusur, o nan I pue me la ren arak !

18 I pue u ta, lun la ren jam ai, kapas nanai i, Jam ai, nan I tipij nanai lan o pual en ;

19 I sefir nanai I pue nom ; en feri nan iai ojon rek aman nom ronanan koe.

20 A ap u ta fai la ren jam an. A lupuan a no kuku la, jam an a uerai i, ap tone i, failakai ue, pun tu uon rapin u an, mitiri i.

21 Na an ue ap apasa, Jam ai, nan I tipij nanai lan, pual en; I sefir nanai I pue nom.

22 Jam an ap kapas nanai na an ronanan koe, Ami ua to manaku mi allim jonai monison, faute nanai i, o nanai lela uon pa an, o tikatikan uon pir an;

23 Ami ap ua to apen an kau ue aumanau, ni la i, ja pue mona, puapua;

24 Pue nai aman ei a me la, ap manau ta; a malet la, ap uerai. Rap rapia ta puapua.

25 A moainau an a uo le malamal; a ken fai to, arep nanai im, a ap ron kason o pupurok.

26 A ap asore to ronanan aman, aiekanai oto kei.

27 A ap kapas nanai i, Puim a it to; o jam om a ni la apen an kau aumanau, pokitan an anai pirakil.

28 A ap kom, uet til lon. Jam an ap til ue tunorai i.

29 A ap paluanai, kapas nanai jam an, Attuan nan I anan nan uk lefen nura, I semen pura tu om kapas nono to; a en sap nan iai apen an kot, pue I pue puapua ren atone ai kana.

30 A lupuan nom muan ue mi ken aniani nom pisek kana etei lipit inau kana, a fai to, en ap ni la nanai i apen an kau aumanau.

31 A ap kapas nanai i, Nai, en nono rek re i, o ai oto monison nom.

32 Mi allim ja pue puapua pokitan puim a me la, ap manau ta; a malet la, ap uerai.

## SOPON 16.

**A** AP kapas nanai na an ronafalafal koe, Aman souan muan pisekasek aman a no;



rap tip *nanai* i, a ken *fanaserou* an *pisek kana*.

2 A asore to i, *kapas nanai* i, Meta *nan* I a *ron* ojon en? En apuere ta om *souan*; pue en o *sap* ai *souan*.

3 *Souan* ue ap *okioki* letip an, Meta I pue *feri*; pue ai *samol* a ken *uai jonai* iai ai *souan*? I soto *nanai* *malemal*, o I ken *sau tunotunorai*.

4 I *lamene* ta mi ni I pue *feri*, pue ai *souan* a *uai jonai* iai, rap *atua nan* le im ar.

5 A ap asore to *monison* mi *lunikaimuai* *nanai* na an *samol*, ap *kapas nanai* aman, *Fiteu* om *lunikaimuai* *nanai* ai *samol*?

6 A ap *apasa*, *Rume* an le *apuki*. A ap *kapas nanai* i, *Anai* om *toropua*, *failakai* mot tu *maku* tu *lime*.

7 A ap *kapas nanai* aman, *Fiteu* om *lunikaimuai*? A ap *apasa*, *Sapei* an uan *flaur* *apuki*. A ap *kapas nanai* i, *Anai* om *toropua*, *maku* tu *ualik*.

8 *Samol* ue a *maretai* *souan inau* ue pue a *leponkor*; pue *ron* *fanufan* mi *leponkor* *jonai* *ron* *sarem* uon *pilon* ar.

9 *Nan* I *apasa nan* *kemi*, *Ami* au *feri* *aron* *ami* *ren* *pisek* an *fanufan*, pue *ami* *me* *la*, *ra* pue *atua* *ami* *lon* im *uorapin*.

10 Aman a ken *nonerar* *ren* *oto* *kisakis*, a mi *nonerar* *ren* *oto* *lapalap*; o aman a ken *mual* *ren* *oto* *kisakis*, a mi *pual* *mual* *ren* *oto* *lapalap*.

11 Are *ami* *mual* *ren* *pisek* an *fanufan*, ia pue *nanai* *ami* *pisek* en *let*?

12 Are *ami* *mual* *ren* mi na an aman, ia pue *nanai* *ami* mi ni *pokin* *ami*?

13 *Semen* mo *ronanan* a to *nanai* *anan* *nanai* *samol* *ruaman*; pue a pue *nimaleti* aman a *tone* aman, are a pue *par* *nanai* aman o *mamual* *ki*

aman. Ami au soto *nanai anan nanai* Kot etei Mamon.

14 Farisi kana mi *morenia* pisek ra ron kei monison, ra kakaiakanai i.

15 A ap kapas *nanai ir*, Ami pokin uonerar ren aramas, a Kot a ken kile letip ami; pue mi aure ren aramas mi aniapot ren Kot.

16 Lamalam an Moses o jufos kana, a tore Jon; *jonai fasoun* ue mueun Kot akile faili, o monison kurum la lon.

17 Mi atoiapai ilan ilol kitater la *jonai ekis* erek lamalam an Moses a ta.

18 Aman a ken asu la *roniman* ap puiluanai aman, a ken *moraisou*; o aman a ken puiluanai i mi *roniman* asu la, a ken *moraisou*.

19 Muan pisekasek aman a no mi faute alin, o fetelalap ran monison;

20 O muan uoinau aman itan Lasaros a rup la mi ra isa tu aron asaman,

21 A moren aniani moramoran a pun tu *jonai uon tepil* an muan pisekasek ue; pual komuia kana fai to ran mona an rup kana.

22 Muan uoinau ue a me la; *ronlan* kana ap ua la i ren Epream; muan pisekasek ue pual me la, ap paianai.

23 A ken uairok lon el, ap sara ta, uerai Epream kuku la, o Lasaros nono aron;

24 A ap maliali, apasa, Jam ai, Epream, en tone iai, ap kine la Lasaros pue a pue takai le ran aiti pa an, apata *nanai ranan ai*, pue *nan I* uairok len ief ei.

25 Epream ap apasa, Nai, en remani en anai om oto allim kana lupuan om manau, pual Lasaros an oto inau kana; a ikana i mi aripa, o en mi uairok.

26 O pual par *nanai* kei monison, lepeten kit o ami *ejen lolepinia* ano, ie mi ni mi moren fai

jonai kei, fai la re ami ra soto nanai; pual ra soto nanai fai jonai kona, fai to re at.

27 A ap apasa, I tunorai rem jam ai, pue en epue kine la i le im an jam ai,

28 Pue pui mi limman; a pue apuere nanai ir, pue ra te pual fai to ezen uairok ei.

29 Epream ap kapas nanai i, Puk an Moses o joufos kana nono re ir; ra pue ausalon ir.

30 A ap apasa, A sor, jam ai Epream, pue kare aman jonai paian a pue fai la re ir, ra pue aiar.

31 A ap kapas nanai i, Are ra sap ausalon Moses o joufos kana, ra sap epue alasorik are aman manau ta jonai paian.

### SOPON 17.

**A** AP kapas nanai na an ronafalafal kana, Attuan lefif kana ra pue nono, a mi anuma-mau i mi ken isa tu lefif kana.

2 A pue allim nanai i are fau rapur aitua tu le rapin u an, o i mi asu tu le set, jonai a pue atura tu aman mi kisakis kei.

3 Ami pokin auper. Are puim a feri nan uk mi inau, aponi i; are a ken aiar, en amusa la i.

4 Are a feri nan uk mi inau fan fusu ran eu, ap ran eu fan fusu sele sefel nan uk, apasa, Nan I aiar, en amusa la i.

5 Aposel koe ra kapas nanai Jisos, En alapala at luku.

6 Jisos ap kapas nanai ir, Are ami luku ojon uan uarin, ami au pue kapas nanai ura sikamor ei, En uia ta, ap fetoka tu le set, a epue ausalon ami.

7 A ia re ami mi na an ronanan aman a ken malemal are amanmani man, a pue failakai kapas nanai i, lupuan an lun to jonai mal an, Eu fai la mona?

8 Pue a pue kapas *nanai* i, En amole ta an ai pue I pue mona, en ap noku tu lukalep om atanaiki ai I puap mona o unimi; murin en epue mona, unimi.

9 A ken kilijou ren *ronanan* ue pokitan an feria ta oto kei mi ni a kapas *nanai* i? I okiok, ap.

10 Ojon rek ami, ami puap feria ta monison mi ni allik *nan* kemi, ami au apasa, Kit *ronanan* mi mual; ja feria ta rapitan at *anan* erek.

11 A lupuan an fai la Jerusalem, a ken fai la le ioian Kalili mi Sameria.

12 A pue til lon lon eu telin im; muan rup an puater mi seek ra *runi*, u ta kuku la;

13 Rap alapa ta mali ar, apasa, Main Jisos, tone kit.

14 A nana *nanai*, ap kapas *nanai* ir, Ami fai la asale *nanai* pokin ami samol fel kana. A lupuan ar fai la, ir mi pira kil ta.

15 Aman ir a uerai an pirakil ta, ap lun to mahiali rapur maretai Kot.

16 A puz tu uon mas an aron pir an, kilijou *nanai* i; re Sameria aman i.

17 Jisos ap paluanai, apasa, Sap mi seek pirakil ta? ia mi tuaman koe?

18 Re uon aman ei rek a lun to maretai Kot?

19 A ap kapas *nanai* i, U ta, fai la; om luku amanaua uk.

20 Farisi koe ra aiekanai i fasoun mueun Kot epue puanua ta; a ap paluanai ir, apasa, Mueun Kot a semen puepue la puanua ta.

21 Ra semen epue apasa, Na *nanai* kei, are na *nanai* kona, pue attuan mueun Kot a nono letip ami.

22 A ap kapas *nanai* na an ronafalafal koe, Ran kana epue fai to mi ami au pue moreu

utueli eu ran an Na an aramas, ami ap sap utueli.

23 Ra pue apasa nan kemi, Na nanai kei, are, Na nanai kona. Au te eta la ir, au te fai la mur ir.

24 Pue Na an aramas, le ran an, a pue ojon rek fifi a ken fifi jonai pali lan tore apali lan.

25 A epue ninui aniau lom, o aramas an pilon ei ra pue amam i.

26 A ran an Na an aramas kana ra pue ojon ran an Noa kana.

27 Ra ken mona, ra ken unimi, ra ken puiliu-anai, ra ken apupuilu nanai, tore ran an Noa a til lon lon uaim, nora ap fai to, ni la ir monison.

28 A ken pual ojon rek lon ran an Lot kana, ra ken mona, ra ken unimi, ra ken ameame la, ra ken fetoka tu, ra ken aua ta im ;

29 A ran an Lot a fai jonai Sotom ief o primston me lan a mora tu, ni la ir monison.

30 A pue ojon rek lon ran an Na an aramas a epue puepue la.

31 Lon ran ue aman a ken no uon im an o au pisek kana lon im, a te ta tu puoka la ; o pual aman a no le malamal, a te lun la murin.

32 *Reremani roniman Lot.*

33 Aman a ken kitta manau an, a pue malet jonai ; o aman a ken malet jonai manau an, a epue amanau ta.

34 I apasa nan kemi, Lepon eu, ruaman ra pue no uon po eu ; aman ir epue puoka la, aman likita la.

35 *Ropot ruaman ra pue pona fereni ; aman epue puoka la, aman likita la.*

36 Muan ruaman ra pue nono le malamal ; aman epue puoka la, aman likita la.

37 Ra ap paluanai, kapas nanai i, Pue ia

Main? A ap kapas nanai ir, Ikel kana ra pue mou fenen ejen aion a ken nono ia.

## SOPON 18.

**A** AP kapas nanai ir kapas monenir eu pue ra pue fautan iotok, ra te tip maramar, apasa,  
 2 Ronapon aman nono rek lon eu telin im, a sap nuetai Kot, a sap rereri aramas.

3 Ropot lipit aman nono rek lon telin im ue, a ken fai to ren, apasa, Aponu ai ren mi nimaleti ai aman.

4 A ken uet lom, a failfailo a ken okioki, Nan I semen nuetai Kot, semen rereri aramas.

5 A pue ropot lipit ue a ken arou iai, I pue aponu i, pue a te lunikis iai, amora la nan.

6 Jisos ap apasa, Ami ron kapas an ron apon inau ue;

7 A Kot a sap epue aponu na an mi fili ta kana mi ken asosore i leran, lepon, o amosona ir?

8 I apasa nain kemi a epue failakai aponu ir. A ia ojon, Na an aramas a pue uerai alasarik uon fanufan, lupuan an lun to?

9 A ap kapas nanai epuelok aramas ra pokin auonerar ir, mamual ki mi lusun, kapas monenir ei.

10 Muan ruaman ra fai la im fel ra pue iotok; aman Farisi, aman poplikan.

11 Farisi ue a ken u ta iotok ojon pokin i, O Kot, I maretai en mi nan I semen ojon rek aramas koe, kirikir inau, lukatupatup, muan moraisou, are ojon rek poplikan ue;

12 Nan I arak fel fan ruou lon uik eu; I ken asaron anu jonai ai pisek monison.

13 Poplikan ue a ken u ta kuku la, sap sara ta lan; a ken pikiri fan maramaran, apasa, O Kot, tone iai, muan tipij aman.

14 I apasa nan kemi, Poplikan ue a ken fai la

le im an aponu moan Farisi ue. Pue aman a ken pokin alapa, a pue sapuili tu; a aman a ken pokin akisu i, a pue seika ta.

15 Ra ap ua to ren menkol, pue a pue suku ir; na an kana uerai, rap apei ta.

16 Jisos ap asore to menkol koe, apasa, Ami nanai menkol kana ra pue fai to re i, au te apei ta ir; pue ojon ir ron mueun Kot.

17 Milet nan I apasa nan kemi, aman a sap anai mueun Kot ojon rek menkol aman a soto nanai til lon lon.

18 Samol aman aiek ren, apasa, Jounpatak allim, meta I pue feri pue I pue anai manau samur?

19 Jisos ap kapas nanai i, Limeita en apasa pue nan mi allim? semen mo a ken allim, aman erek, Kot.

20 Eu mi kile allik kana, O te moraison, O te ni la aramas, O te sole, O te kine rofana, Alasorik jam om, asak om.

21 A ap apasa, Nan I amarou kei monison jonai ai kisakis.

22 Jisos a ron kei ap kapas nanai i, Eu oto mi lusun; ameame la om pisek monison, o ap ainet nanai mi uoinau kana; o epue pisekasek lan; o ap it to, fai la muri.

23 A ken ron kei ap rourok aniau, pue a ken pisekasek aniau.

24 Jisos a uerai i rourok aniau, a ap apasa, Mi alikinau aniau mi pisekasek aniau ra pue til lon lon mueun Kot.

25 Pue mi alikifir nanai kamel aman a pue til lon lon pao an mara an teitei, jonai muan pisekasek aman a pue til lon lon mueun Kot.

26 Mi ron kana ra ken apasa, Pue ia mi pue to nanai manau?

27 A ap apasa, Oto kana ra soto nanai ren aramas, ra pue to nanai ren Kot.

28 Piter ap apasa, Attuan kit peluku monison, ap fai la mur om.

29 A ap kapas nanai ir, Milet I apasa nan kemi, semen mo a ken peluku im an, are jam an asak an, are puin, are roniman, are at, pokitan mueun Kot,

30 A semen epue anai lap jonai fan nura lon fasoun ei, o sopo la manau asamur.

31 A ap anai seek mi ruaman koe, kapas nanai ir, Attuan ja pue fai la Jerusalem, o monison mi ni joufos kana maku tu ojon Na an aramas epue puanua ta.

32 Pue ra pue afaname i ren re uon kana, ra pue kakaiakanai i, o feri inau nanai i, o atifa nanai i;

33 O ra pue uiri nanai i, o ni la i; o elu an ran a epue manau ta.

34 A ra sikile kei monison, o kapas ei a mon jonai ir, ra sikile oto kana a kapas nanai ir.

35 A lupuan an arep nanai Jeriko, muan masapon aman mot tu le peikin ial tunotunor.

36 A ken ron muer a fai la, ap aiek, Ia ojon kei?

37 Aman ura nanai i, Jisos an Nasaret a ken fai la.

38 A ap asore, apasa, Jisos, Na an Tefit, tone iai.

39 Mi okom la lom kana ra apeitai i pue a pue alikmar; a ken alapa la an asore, Na an Tefit, tone iai.

40 Jisos a ken u tu, apasa ra pue muanana toi; a puap arep to, a ken aiek ren, apasa,

41 Meta en afiriek I pue feri nan uk? A ap apasa, Main, I pue uerai mo ai.

42 Jisos ap kapas nanai i, En uerai mo om; om luku ken amanaua en.

43. A failakai uerai moan, ap fai la murin,



maretai Kot; o aramas monison uerai, ra ken maretai Kot.

## SOPON 19.

**J**ISOS a til lon, ap fai jonai Jeriko.

2 Muan aman ano itan Sakios, samol an poplikan kana, mi pisekasek.

3 A sotonai na nanai Jisos, pue ia i, a soto nanai pokitan muer ue, pue i mi motomot.

4 A ap okom la lom, ta ta uon ura sikamor pue a pue na nanai i; pue a epue fai to ia ejen ue.

5 Jisos a fai to ejen ue, ap sara ta, uerai i, ap kapas nanai i, Sakios, failakai ta tu; pue I epue nono rek le im om ikana.

6 A ap failakai ta tu, atua i puapua.

7 Ra uerai, monison rap puon, apasa, A ken fai la nono rek ren muan tipij aman.

8 Sakios a ken u ta kapas nanai Jisos, Attuan Main, esop an ai pisek kana I kisan nanai mi uoinau kana; o eu oto I ken uai jonai mual aman I ken luni ti fan ruanu.

9 Jisos ap kapas nanai i, Manau a tore im ei ikana, pue i mi pual tuelikin Epream aman.

10 Pue Na an aramas a fai to a pue kitta o amanaua mi malet la.

11 Ra ron kei, a ap apar nanai kapas monenir, pokitan an arep nanai Jerusalem o ar okioki mueun Kot a pue failakai pue ta.

12 Ie mi ni a ken apasa ta, Samol aman fai la fanu kuku la pue a pue anai mueu an, ap luni to.

13 A ken asore to na an ronanan seek, nanai ir moni rapur enaul, kapas nanai ir, Ami au souanai I puap luni to.

14 A na an kana nimaleti i, ap kine la toropua murin, apasa, Ja kaputak muan ue a te samolou kit.

15 A ken anai mueue an, luni to, ap apasa ra pue asore fenei na an *ronanan* koe mi a *nanai* na an moni, pue a epue kile fiteu moni ar ame-ame feria ta.

16 Aman ap fai to apasa, Main, om moni eu a ken feria ta enaul.

17 A ap kapas *nanai* i, Mi allim, en *ronanan* allim; pokitan om uonerar ren mi kisakis, o pue samolounai telin im enaul.

18 Aman ap fai to apasa, Main, om moni eu a ken feria ta limou.

19 A pual kapas *nanai* i, O pue samolounai telin im limou.

20 Aman ap fai to apasa, Main, iei om moni, mi *nan* isana lon ankajif;

21 Pue *nan* I nuokus en, pue muan moro, en puoka ta mi o sap isa tu, o telu mi o sap fetoka tu.

22 A ap kapas *nanai* i, Jonai pokin au om I pue atikenlau en, *ronanan* inau. En kile pue *nan* muau moro aman, puoka ta mi *nan* I sap isa tu, o telu mi *nan* I sap fetoka tu;

23 A limeita en sap *nanai* ai moni ren *ron* kame, pue I puap luni to I pue anai ai moni etei pai an?

24 A ap kapas *nanai* mi u ta aron kana, Ati jonai i moni an, ap *nanai* i mi na an moni enaul.

25 (Ra ap kapas *nanai* i, Main, na an moni mi enaul.)

26 Pue I apasa *nan* kemi, aman an ano, a pue apar *nanai*; a aman sor an ano, a pue uai jonai oto a no ren.

27 A mi nimalet ai kana, mi kaputak *nan* I te asamolou ir, ami muanan ir to, ap ni la mo ai.

28 A apasa ta kei, ap okom la lom, a pue fai la Jerusalem.

29 Lupuan an arep *nanai* Petpej o Petani,

aron rukarukta itan Olifet, a kine la na an ron afalafal ruaman, apasa,

30 Ami fai la lon telin im imu; ezen an til lon ami epue uerai apen an as aman fautok, mi semen mo aramas a ken ta ta uon; ami amusa la i, muanana to.

31 Are aman a ken aiek re ami, Limeita ami amusa la i? ami ap kapas nanai i, Pue Jioua a moren anai i.

32 Ronkine koe ap fai la uerai ojon a kapas nanai ir;

33 Lupuan ar amusa la apen an as ue, aramas mi na ar man ra kapas nanai ir, Limeita ami amusa la as ana?

34 Rap apasa, Jioua a moren anai i.

35 Ra ap muanana to i ren Jisos; rap pualua ta uon as ue ar manaku, puoka ta Jisos uon.

36 O lupuan an fai la, ra ken ualita ta ar manaku le al.

37 A ken arep to, nono le al a tikela tu me uon rukarukta Olifet, na an ronafalafal monison rapia puapua, maliali rapur, maretai Kot ren manaman monison ra uerai, apasa,

38 Maretai kin ei a ken fai to fassenokin Jioua; puapua lan, o alina ta Kot Lapalap.

39 A epuelok Farisi le ir kapas nanai i, Jounpatak, en fanau nom ronafalafal kana.

40 A ap paluanai, kapas nanai ir, Nan I apasa nan kemi, kare kei nauenauen la, fau kana ra pue asosore.

41 A ken arep to, utueli telin im ue, ap sonison ren, apasa,

42 Kare en pual kile lon om ran ei oto kana mi allim nan uk; a ikana ra mon jonai le mas om.

43 Pue ran kana ra fafai to uom, mi nimalet uk kana ra pue aposa ta apueliali nan uk, o puclifaili en, o fiu nan uk pali an monison.

44 O aparasa la apokapoka la le puel, o nom kana lon; a sor eu fau epue nono uon eu; pokitan om sikile fasoun *Ron Amanau* a fai to rem.

45 A ap fai la le fel an Kot, rapia ta kupet jonai mi ken ameame lon;

46 Kapas nanai ir, A maku tu, Im ai epue in an iotok; a ami au feria ta lenien ronsoule.

47 A ken afalafala le ran koe lon fel an Kot. Samol fel kana o joumak kana o samol an aramas kana ra sotonai ni la i.

48 A ra semen uerai mi ra pue feri, pue aramas monison ra ken ron firi.

## SOPON 20.

**L**ON eu ran koe lupuan an afalafala aramas lon fel an Kot, o akile nan ir ron allim, samol fel kana o joumak kana o samol kana ra u ta nanai i,

2 Maliali nanai i, apasa, En ura nanai kit fassenokin ia om feferi kei, o ia mi seika ta en o pue feferi kei.

3 A ken paluanai, kapas nanai ir, Nan I pue aiekanai, ami eu oto, ami au pue ura nanai;

4 An Jon a papatais, me lan, are mi ren aramas?

5 Rap kapas fenen le ir, apasa, Kare ja apasa, Me lan, a pue apasa, Limeita ami au sap alatorik i?

6 O kare ja apasa, Mi ren aramas, aramas monison ra pue arei kit; pue ra arifaua pue Jon joufos aman.

7 Ra ap paluanai mi ra sikile ojon.

8 Jisos ap kapas nanai ir, Nan I pual sap epue kapas nanai ami fassenokin ia I feferi kei.

9 A ap rapia ta kapas nanai aramas koe kapas monenir ei; Muan aman fetoka tu mal an

krep ap nanai epuelok ronanan, ap fai la kuku la, nono rek ia leilai.

10 Lerak a kine to na'an aman ren souan kana, ra pue nanai i kifitan ua an mal an krep ue; a souan koe ninni i, kine la a pan pa la.

11 A ap pual kine to aman ronanan; a ra ap pual ninni i o feri nanai i mi inau, kine la i a pan pa la.

12 A pual kine to eluman an; ra pual sapak nanai i, ap asu jonai.

13 Samol an mal an krep ue ap apasa, Meta I pue feri? I pue kine la nai alual atone, I kilanai ra pue utueli i, ap rereri i.

14 Souan kana ra uerai i, ra ap kapas fenen le ir, apasa, Ie le murin jam an; anku it to, ja pue ni la i, pue ja pue naini la pisek kana.

15 Ra ap asu la i likin mal an krep, ni la. Meta samol an mal an krep ue a pue feri nanai ir?

16 A pue fai to ni la souan koe, ap nanai mal an krep ue epuelok. Ra ken ron ap apasa, A te puanua ta.

17 A ap nana nanai ir, apasa, Meta ei a maku tu, Fau mi ronaua ta im mamual ki, a ken feri mi aure jonai monison?

18 Aman a pue pun tu uon fau ei a pue kitatere la; o aman a pue pun tu uon, a pue pona fenedi.

19 Samol fel kana o joumak kana ra sotonai torfi i fasoun ue rek, pue ra kile a kapas nanai ir kapas monenir ei; a ra nuokus aramas.

20 Ra ap oparai i, kine to ronop kana ra pue kine ta pokin ir aramas uonerar, pue ra pue torfi an kapas kana, pue ra pue afaname i le pa an makal ue.

21 Ra ap aiekanai i, apasa, Jounpatak, ja kile om kapas o afalafal mi uonerar, o sap rereri aman, pue en ken afalafal uonerar sokon Kot.

22 Mi allim nan kit auora nanai Sisar, are sor?

23 A ken kile ar lukatupatup, ap kapas nanai ir, Limeita ami soton iai? Asale nan iai rail eu.

24 Ununun ia ei, o mak; ra ap paluani i apas, An Sisar.

25 A ap kapas nanai ir, Auora nanai Sisar na an oto kana; o auora nanai Kot na an oto kana.

26 Ra ap soto nanai torfi an kapas kana moan aramas; rap ueitifeneñi an kapas, ra ap alikmar.

27 Epuelok Satusi fai to, mi ken apasa paian kana ra semen epue manau ta; ra ken aiekanai i, apasa,

28 Jounpatak, Moses maku nan kit, Kare muan aman roniman a no, a sor an at, a ken me la, puin a pue ronimanai roniman, anaikat nanai at puin ue.

29 Puipui eu muan fuman; mi lap le ir ronimanai ropot aman, ap me la, sor an at.

30 Aruaman an ronimanai ropot ue, a pual me la sor an at.

31 Eluman an pual ronimanai i; pual ojon rek fuman koe, a sor na ar at, ra ap me la.

32 Murin monison ropot ue a pual me la.

33 Lupuan paian kana ra pue manau ta, roniman ia ropot ue?

34 Jisos ap paluanai, kapas nanai ir, Re fanufan ra ken puiliuanai;

35 A mi fir nanai sopo la, o manau jonai paian kana, ra sap puiliuanai;

36 Ra pual soto nanai me la, pue ra ojon ronlan kana; ir mi na an Kot, pue ra manau jonai paian.

37 A Moses a ken apuere ta paian kana ra pue manau ta a nono aron ura kisakis ue lupuan

an apasa, Jioua a ken Kot an Epream, o Kot an Aisak, o Kot an Jekop.

38 Pue a sap Kot an mi me la kana, pue mi manau erek; pue monison mi manau ren.

39 Epuelok joumak ap puluanai apasa, Joun-patak, om kapas mi allim.

40 A murin kei, semen mo a lokasen nanai aiekanai i eu oto.

41 A ap kapas nanai ir, Ia ojon ar apasa pue Kraist tuelikin Tefit?

42 Pue pokin Tefit a ken apasa lon Puk an Nor Fel, Jioua a kapas nanai ai Jioua, En mot tu pali ifiri,

43 I puap feri mi nimalet uk kana lonalon an fan pir om.

44 Tefit a ken apasa pue i mi na an Jioua; a ia ojon a epue tuelikin?

45 A ap kapas nanai na an ronafalafal kana, aramas monison ra ron,

46 Ami an mon joumak kana, ra ken afriek urur fail faute manaku rairai, o ra afriek kapon kana lenien rulap kana, o lenein samol kana le sinakok kana, o lenien samol kana le fetelalap:

47 Ra ken anai pisek an ropot lipit kana, o arollilik nanai iotok leilai. Ra pue ninni aniau.

### SOPON 21.

**A** AP sara ta, utueli mi pisekasek kana ar asaron anu;

2 A pual uerai ropot lipit aman mi uoinau, a asaron anu peni ruou;

3 A ap apasa, Milet I apasa nan kemi ropot lipit uoinau ue a ken asaron anu lap mo ar monison.

4 Pue ir monison asaron anu nanai Kot jonai ar pisekasek; a ropot ue jonai an uoinau a ken asaron anu an pisek monison.

5 Epuelok ra ken kapas ojon fel au Kot ue amarar ren fau eripuar o asaron anu allim; a ap apasa,

6 Ojon mi ni au utueli, ran kana fafai to lupuan sor eu fau epue nono uon eu mi semen epue aparasa la.

7 Ra ap aiekanai i, apasa, Jounpatak, inat oto kei ra pue feri? o ia akakilan ar epue feri?

8 A ap apasa, Ami au iauper, pue ra te atupu ami; pue mi nura ra pue fai to kine nanai ir pue ir nan, apasa, Pue nan Kraist; o, Fasou arep to. Ami au te fai la mur ir.

9 Lupuan ami ron ojon maun kana, o mueu inau kana, au te nuokus; pue kei ra pue feri lom, a ateri an a sap arep to.

10 A ap kapas nanai ir, Ainan eu epue u nanai ainan eu, o mueu eu nanai mueu eu;

11 Fanu nura epue rerer anian, o mailen lapalap, o somau feferi; o anuetai kana, o akakilan lapalap me lan epue feri.

12 A moan kei monison ra pue torfi ami, o ninni ami, o afaname ami ren sinakok kana, o im au fautok kana, muanana la ami ren kin kana o makal kana, pokitan nan.

13 O oto kana epue siuili nanai ami pue a pue apuere ta.

14 Ami lamene ta letip ami, ami au sap okioki ojon ami paluanai;

15 Pue nan I pue apasa ta ami, o atiparemi ami mi ra sap epue to nanai pinai, are rofana ta.

16 Jam ami, asak ami, pui mi, fituk ami, tone ami, ra pue afaname ami pue ami epue ni la.

17 Aramas monison ra pue nimaleti ami pokitan nan.

18 A sor mat an maker ami epue kitatere la.

19 Ami au amarou nanai mosonason letip ami.



20 Lupuan ami utueli ronfiu kana puelifaili Jerusalem, ami ap kile an kitatere la arep to.

21 Mi nono rek Jutia kana ra pue su la uon rukarukta kana; o mi nono rek Jerusalem kana ra pue fai jonai; o mi nono rek likin kana ra te til lon lon.

22 Pue ran an ninni ran koe, pue monison a maku tu a pue puanua ta.

23 A mi riafau nanai mi uosomau kana, o mi atut at kana, lon ran koe; pue ra pue riafau aniau uon fanufan, o ier aniau epue no uon aramas kei.

24 O sapasap epue ni la ir, o ra pue liape la ren ainan monison; o Jentail kana ra pue pura tu Jerusalem tore fasoun Jentail kana ateri la.

25 Akakilan kana epue no lon iol o maram o fukan; o ainan kana ra pue riafau, o tip maram; o no rapur po ta le set.

26 Letip an aramas kana amoron la pokitan nuokus o uetauet oto kana mi pue fai to fanufan; pue amor an lan kana ra pue mokitikit.

27 Rap epue uerai Na an aramas a fai tu lon orou ren manaman o lin an lapalap.

28 Oto kei feferi, ami ap sara ta o auoneta; pue ami nas la arep to.

29 A ap apasa nan ir kapas monenir, Ami na nanai ura fik o ura monison.

30 Ami uerai soton pue ta, pokin ami kile rak arep to.

31 Pual ojon rek lupuan ami uerai oto kei puanua ta, ami epue kile mueun Kot arep to.

32 Milet nan I apasa nan kemi, pilon aramas ei ra sap ros la tore kei monison puanua ta.

33 Ilan, ilol ra pue fai la; a ai kapas sor epue fai la.

34 Ami au iauper pue letip ami te monasou

ren mona aniau o un soko, o loleilon an fanufan; ran ue ap tore ami lupuan ami sikile.

35 Pue a pue fai to ren re fanufan monison ojon rek sar.

36 Ie mi ni ami mamasa, o fautan iotok, pue ami epue fir nanai nas jonai oto kei monison mi pue puanua ta, o pual u ta ren Na an aramas.

37 Leran a ken afalafala le fel an Kot; a le pon a ken fai la nono rek uon rukarukta itan Olifet.

38 O aramas monison ra uksor to ren le fel an Kot, pue ra pue ron i.

### SOPON 22.

**F**ETELALAP an pret sor mol itan Pasofer arep to.

2 Samol fel kana o joumak kana ra okioki ojon ar epue ni la i; pue ra nuokus aramas.

3 Setan ap til lon letip an Jutas itan Iskariot, aman seek ruaman koe.

4 A ap fai la kapas ren samol fel koe o samol an ronfiu kana ojon a epue afaname nanai ir i.

5 Ra ken puapua, ap puon nanai i ra pue nanai i moni.

6 A puon nanai ir, ap kitta fasoun a pue afaname nanai ir i lupuan aramas kana sor no.

7 A tore ran an pret sor mol, lupuan ar epue ni la Pasofer.

8 A ap kine la Piter o Jon, apasa, Ami fai la amole nan kit Pasofer pue je pue mona.

9 Ra ap kapas nanai i, Ia ejen en afirik ja pue amol ia?

10 A ap kapas nanai ir, Ami fai la, til lon lon telin im ue, muan aman epue runi ami a ken ua jar an ran; ami fai la murin, til lon lon im a ken til lon;

11 Ami ap kapas nanai samol an im ue,

Jounpatak ue a ken aiek ren, Ia ueip *nan* I pue etei nai ronafalafal kana mona Pasofer lon?

12 A ap epue apuere *nan* kemi ueip an uon rapur mi mole ta; ami au amol ia.

13 Ra ap fai la, uerai ojon an kapas *nanai* ir; ra ap amole ta Pasofer.

14 A tore lupuan, a ap mot tu, o aposel seek ruaman koe etei i.

15 A ap kapas *nanai* ir, *Nan* I morenia aniau mona Pasofer ei re ami moan I semen nini.

16 Pue I apasa *nan* kemi I semen epue pual mona i, tore fasoun a puanua ta lon mueun Kot.

17 A ap anai sapei, iotokanai, ap apasa, Ami anai, ainet feseni lepet ami;

18 Pue I apasa *nan* kemi, *nan* I semen epue unimi uan krep tore mueun Kot a fai to.

19 A ap anai pret, iotokanai, kinikisi tu, ap ati *nanai* ir, apasa, Ikei aion ai mi fan la pokitan ami; ami feferi kei alenlemanian *nan*.

20 Pual ojon rek sapei murin mona, apasa, Sapei ei mi puon sefa le ra ai, mi asera la pokitan ami.

21 Attuan pa an mi afaname *nan* a ken etei iai no uon tepel ei.

22 Milet Na an aramas epue fai la ojon a oia-kenai; a riafau *nanai* muan ue a ken afaname i.

23 Ra ap rapia ta aiek fenen lepet ar, ia le ir epue feria ta ei.

24 Ra pual anini fenen le ir, ia le ir epue lap mo ar.

25 A ap kapas *nanai* ir, Samol an Jentail kana ra ken samolounai ir, o mi nimani ir kana, ra kikine ra ken allimi ir.

26 A ami au te ojon rek ir; a mi lapalap re ami a pue ojon rek mi kisakis; o samol a pue ojon rek souan aman.

27 Pue ia mi lapalap, mi mot *nanai* tepel, are

—mi ken atanaki i? Sap i mi ken mot *nanai tepel*?  
A *nan* I nono *rek re* ami ojon *rek* mi ken ata-  
naki.

28 Ami au ken nono *rek re* i lupuan ai soto-  
nai kana.

29 *Nan* I ati *nan* kemi mieu eu ojon *rek* Jam  
ai ati *nan* iai,

30 Pue ami epue etei iai mona o unimi uon ai  
tepel lon mieu i, o mot tu *nanai* lenien samol,  
atikenlau ainan an Israel enaul mi ruou.

31 Jisos ap apasa, Saimon, Saimon, attuan  
Setan a moren anai en, pue a pue panai en ojon  
*rek* uit;

32 *Nan* I iotokanai en pue om luku a te mor la;  
a en puap uili sefel, o pue auoneta puim kana.

33 A ap apasa, Main, I pue etei en tore im an  
fautok o me la.

34 A ap apasa, I kapas *nan* uk Piter, moan  
malek muan a semen koka ikana, en epue aman  
om kile iai fan elu.

35 A ap kapas *nanai* ir, Lupuan ai kine la  
ami sap moni, sap mona; sap tikitik an pir ami,  
ami moren eu oto? Ra ap apasa, Sor.

36 A ap kapas *nanai* ir, A ikana, aman a moni  
a no, a pue ua la, pual ojon *rek* mona; o i mi  
sor an sapasap, a pue ameame la an manaku ap  
ameame to afor.

37 Pue I apasa *nan* kemi, mi maku ei ojon *nan*  
a pue puanua ta, Ra ken aleanai i ren mi inau  
kana; pue oto kana ojon *nan* ra pue ateri la.

38 Ra ap apasa, Main, ikei sapasap ruofor. A  
ap kapas *nanai* ir, Ra mi nura.

39 A ap til ue, fai la, ojon an fefer, uon ruka-  
rukta Olifet. Na an ronafalafal koe ra pual eta  
la i.

40 A tore ejen ana ue, ap kapas *nanai* ir, Ami  
iotok, pue ami au te sotonai.

41 A i ap fai jonai ir *ejen* aman epue to *nanai arei ia*, ap fetapuka tu, iotok;

42 Apasa, Jam ai, kare en afiriek, o pue uai jonai iai sapei ei; a sap letip ai, pue letip om erek epue feri.

43 *Ronlan* aman fai tu me *lan aripa i*.

44 A ken uairok, ap *arourou nanai an iotok*; o an moai ojon *rek sopasop an ran a pun tu le puel*.

45 A ap u ta jonai an iotok, 'fai la ren na an *ronafalafal koe uerai ir mamair pokitan rourok*,

46 Ap kapas *nanai ir*, Limeita ami mair? u ta, iotok, pue ami an te sotonai.

47 Lupuan an kakapas, attuan muer en o i mi itan Jutas, aman seek ruaman koe, okom la mo ar, ap arep *nanai Jisos a pue mitiri i*.

48 Jisos ap kapas *nanai i*, Jutas, en *afaname Na an aramas ren mitiri eu?*

49 Mi nono aron kana ra uerai mi pue feferi, rap kapas *nanai i*, Main, en afiriek ja pue uiri ek sapesap?

50 Aman ir ap uiri *ronanan an samol fel rapur*, ukifi jonai jalin an.

51 Jisos ap paluanai, apasa, Amosona lom; A ap suku jalin an, apirakil ta i.

52 Jisos ap kapas *nanai samol fel kana o samol an ronfiu kana*, o samol kana ra fai to ren, Ami fai la *nan iai ojon rek ronsole aman ren sapesap a ioio kana?*

53 Lupuan ai nono *rek re ami ran monison lon fel an Kot*, ami au sap liape to *nan*; a ikana fasoun ami, o rotopuak ken nimani.

54 Ra ap liape to Jisos, muanana la i, atil lon lon im an samol fel rapur. A Piter a fai la murin kuku la.

55 Ra sone ta ief le *veren palan*, rap mot tu fenen. Piter ap mot tu lepet ar.

56 Fapuul aman na nanai i mot tu aron ief, ap atuma firi i, apasa, Muan ei eta la i.

57 A ap amam Jisos, apasa, Ropot, nan Isikili i.

58 A murin, fasoun mi kisakis, aman a uerai i, ap apasa, Pue en aman ir. Piter ap apasa, Muan, a semen.

59 Aron klok eu murin, aman puakero apasa, Milet muan ei eta la ir, pue re Kalili aman.

60 Piter ap apasa, Muan, nan I sikile om kapas. A failakai, lupuan an kapas, malek muan ap koka.

61 Jisos ap sele to na nanai Piter; Piter ap remani kapas an Jisos mi a ken apasa ta, O pue amam iai fan elu moan malek muan a san koka.

62 Piter ap fai la likin, sonison aniau.

63 Aramas mi amarou Jisos ra kakaiakanai Jisos, o uiri i.

64 Ra pualu nanai mas an, ap pikiri mas an, aiek ren, apasa, En apuere ta i mi ken pikiri en.

65 O pual oto nura ra ken asaia kapas nanai i.

66 A ran, samol an aramas kana, o samol fel kana, o joumak kana, rap mou fenen, rap muana la i lenien ar rulap, apasa,

67 En mi Ron Amanau? ura nanai kit, A ap kapas nanai ir, Kare I apasa nan kemi, ami au sap arifaua;

68 Kare nan pual aiekanai ami, ami au sap paluan iai, are amusa ai la.

69 Murin ikana Na an aramas epue mot tu pali ifirin manaman an Kot.

70 Ir monison ap apasa, Pue en Na an Kot? A ap kapas nanai ir, Euar; ami apasa, pue ie nan.

71 Ra ap apasa, Limeita ja pue kitta epuelok tip nanai? pue kit ron jonai pokin au an.

## SOPON 23.

**M**UER monison ap u ta muanana la i ren Pailat.

2 Ra ap rapia ta tip nanai i, apasa, Ja uerai muan ei ainaua la ainan ei, apeï ta aramas ra tei auora nanai Sisar, apasa, pue pokin i Kraist kin aman.

3 Pailat ap aiek ren, apasa, Pue en kin an Jus kana? A ap paluanai i, apasa, Nu; en apasa ta.

4 Pailat ap kapas nanai samol fel kana, o aramas koe, I semen uerai eu oto mi inau ren muan ei.

5 Ra ap moro apasa ta, A ken ainaua la aramas kana, afalafal uon fanu an Jus monison, rapia ta Kalili tore fan ei.

6 Pailat a ron ojon Kalili, ap aiek kare re Kalili aman i.

7 A kile re fanu an Erot amau i, a ap kine la i ren Erot mi nono rek Jerusalem lon ran koe.

8 Erot a uerai i, ap puapua aniau, pue mi leilai an moren na nanai i, pue a ken ron oto nura ojon i; a ken apalik allim pue a pue utueli manaman ren.

9 A ap aiekanai i kapas nura; a sap paluanai i eu oto.

10 Samol fel koe o joumak koe ra u ta tip nanai i aniau.

11 Erot etei na an ronfu kana ra manual ki i, o akaiakanai i, o faute nanai i manaku lin, a ap aluna la i ren Pailat.

12 Ran ue rek Pailat o Erot ra kinamue fenen lepet ar, pue lom ra ken nimal fenen lepet ar.

13 Pailat ap asore fenen samol fel kana, o samol kana, o aramas kana, kapas nanai ir,

14 Ami muanana to re i muan ei ojon rek

aman a ken ainaua la aramas; a *nan* I ap atikenlaua i mo ami, sap uerai eu oto mi inau ren, ojon ami tip *nanai* i.

15 Sap *nan*, pual sap Erot, pue *nan* I kine la ami ren, a attuan a sap feri eu oto fir *nanai* me la.

16 I pue uiri i, amusa la.

17 (Pue a epue amusa *nanai* ir aman, lupuan fetelalap ue.)

18 Ra ap asore poku apasa, Ni la muan ei; amusa *nan* kemem Parapas;

19 (Mi ken fetokanai pokitan an ainaua la aramas lon telin im ue, o ni la aramas.)

20 Pailat a moren amusa la Jisos, ap pual apasa *nanai* ir.

21 Ra ap asore, apasa, Ura ponoki i, ura ponoki i.

22 A pual kapas *nanai* ir fan elu, Limeita? meta mi inau a ken feri? I sap uerai ren eu oto fir *nanai* me la; I pue uiri i, amusa la.

23 Rap maliali pok rapur apasa, A pue ura ponoki; maliali ar etei maliali an samol fel kana puanua ta.

24 Pailat ap apasa a pue feri ojon maliali ar.

25 A ap amusa *nanai* ir muan ue a fautokanai pokitan ainaua la aramas o ni la aramas mi ra ken tunorai; a Jisos a ken afaname *nanai* maliali ar.

26 Lupuan ar muanana la i, ra liape to Saimon, re Sairin aman, a fai to jonai likin, isa tu ura ponok uon, a pue ua la murin Jisos.

27 Aramas nura ra fai la murin, o ropot kana mi ken sonison o nunurok ren.

28 Jisos ap sele *nanai* ir, apasa, Ropot au Jerusalem kana, ami au te sonison re i, pue ren pokin ami o ami at kana.

29 Pue attuan ran kana fafai to mi ra epue



apasa, Ra faiamau mi rit, o letip mi sap naikat, o tut kana mi sap atut.

30 Fasoun ue ra pue rapia ta kapas nanai ruk ue lap kana, Ami pun tu uo ar; o nanai ruk ue kis kana, Ami pualua la kit.

31 Pue kare ra ken feri nanai ura manau oto kei, meta ra pue feri nanai ura puas la.

32 Ra pual muanana la aramas inau ruaman, ra pue etei i uraponoki.

33 Ra fai la ejen itan Kalfari, ra ap uraponoki i ia, o muan inau koe, aman pali ifiren, aman pali imanin.

34 Jisos ap apasa, Jam ai, amusa la ir, pue ra sikile mi ra ken feri. Ra ap ainet feseni an manaku, sotonai lepet ar.

35 Aramas kana u ta, utueli. Samol kana pual etei ir mamual ki i, apasa, A ken anas la epuelok, a pue pokin anasa la kare i mi Ron Amanau mi Kot a ken fili ta.

36 Ronfiu koe pual mamual ki i, fai to ati nanai i finikar, o apasa,

37 Kare en kin an Jus kana en pokin anas la.

38 Mak eu a maku tu uon, kapas an Kris, o Rom, o Jus kana, KIN AN JUS KANA EI.

39 Aman muan inau koe iti tu a ken asaia i apasa, Kare en Ron Amanau, anasa la pokin en o kit.

40 Aman a paluanai, aponi i, apasa, O sap nuokus Kot, pue en uerai ninni ue rek?

41 A mi allim ninni kit, pue je uerai sopolan at fefer kana; a muan ei a sap feri eu oto mi inau.

42 A ap kapas nanai Jisos, Main, reremani nan o puap fai la lon muen om.

43 Jisos ap kapas nanai i, Attuan I kapas nan uk, ikana o pue etei iai lon Paratais.

44 Aron klok uonou, ap rotopuak la uon fanu monison tore klok tuou.

45 Iol a rotopuak la, o tit an fel an Kot a pual-an feseni lukalep an.

46 Jisos ap asosor maliali rapur, apasa, Jam ai, I luku nan uk nen ai. A ken apasa ta kei, ap me la.

47 Senturion ue a uerai mi fefer kana, a ap lanafauti Kot, apasa, Enlet muan ei mi tupuel.

48 Aramas monison mi mou fenen ra pue utueli, ra uerai mi fefer kana, ap pikiri fan maramar ar, luni la.

49 Mi kile i monison, o ropot kana mi etei i me Kalili, ra u ta kuku la, utueli kei.

50 Aman samol itan Josef, mi allim o tupuel,

51 (A sap tipe eu ren samol koe;) re Arimatia, telin im an Jutia, mi pual pokin uetauetai mueun Kot,

52 A ken fai la ren Pailat, tunorai, aion an Jisos.

53 A ap amusa tu i, tikim nanai manaku porapor, ap isa tu lon paian a teu ta lon pero, esemen aman isa tu lon lom.

54 Ran an amol ran ue, pue sapat arep to.

55 Pual ropot koe mi etei i fai to me Kalili, ra fai la murin, utueli paian, o ojon ar isa tu aion an.

56 Ra ap luni la, amole ta uan ura po allim o po an puo; ra ap asaur ran an fel ojon allik ue.

#### SOPON 24.

**N**IMUERAN rapitan ran, ra fai to le paian, ua to mi po allim kana mi ra amole ta, o pual epuelok etei ir.

2 Ra ap uerai fau akulu jonai paian.

3 Ra ap til lon, sap uerai aion an Jioua Jisos.

4 A lupuan ar tip maramar ojon kei, muan ruaman pue to re ir faute alin.

5 Ra ap nuokus, rape tu mas ar le puel ; muan koe ap kapas nanai ir, Limeita ami kitta mi manau ren mi me la kana ?

6 A so so kei, pue a manau ta ; au rere mani mi ni a apasa nan kemi lupuan a nono Kalili, apasa,

7 Ra pue a faname Na an aramas le pa an aramas mi inau kana, o uraponoki ; a elu an ran a epue manau ta.

8 Ra ap remani an kapas koe.

9 Ra ap lun la jonai paian, ura nanai oto kei mi seek aman koe, o mi lusun monison.

10 Ir mi Meri Maktalin, o Joana, o Meri asak an Jemes, o ropot koe mi etei ir ura nanai oto kei Aposel koe.

11 Ar ura nanai ir ojon rek kapas mual, ra sap arifaua ir.

12 Piter ap u ta, upuito la le paian, ap rape tu utueli manaku limilim la ejen, a ap fai la ueitifene ni letip an mi fefer kana.

13 Ran ue rek ruaman ir fai la eu telin im kisakis itan Emeos, a kuku la jonai Jerusalem mail nonou.

14 Rap kapas fenen le ir ojon oto kei monison mi feferi.

15 Lupuan ar kapas aiek fenen, pokin Jisos arep to eta la ir.

16 Lemas ar auili la pue ra te kile i.

17 A ap kapas nanai ir, Meta ami kapas fenen ren lupuan ami fai la, o ami mi rourok.

18 Aman ir itan Kliopas ap paluanai, kapas nanai i, En mi nono rek Jerusalem ap sikile oto kana mi aplan fefer ia ?

19 A ap kapas nanai ir, Pue meta ? Ra ap kapas nanai i, Mi ni ojon Jisos an Nasaret, joufos aman, mi manaman kapas o feferi ren Kot o aramas monison ;

20 Pue samol fel kana o makal kana ra afa-name i a pue me la, rap uraponoki i.

21 A kit apalikalik allim pue i mi pue seleni Israel. Pual ikana elu an ran murin oto kana feferi.

22 O pual epuelok ropot re ar aueitifeneni kit; ra uksor la le paian,

23 Ra sap uerai aion an, ra ap fai to, apasa mi ra uerai ronlan mi apasa a manaua ta.

24 Epuelok re ar fai la le paian, uerai ojon rek ropot koe apasa ta, a ra sap uerai i.

25 A ap kapas nanai ir, Ami mi puor, mi letip kaimuai nanai arifaua monison joufos koe apasa ta.

26 A sap allim Kraist a pue amosona oto kei, ap fai la lon an lin?

27 A ap rapia ta ren Moses o joufos monison, auene nanai ir lon Paipel monison oto kana ojon pokin i.

28 Rap arep nanai telin im ra pue fai la ia; a ken feri ojon rek a pue fai la jonai.

29 Rap puakero kapas nanai, apasa, En nono rek re at, pue lekuniol; a pue pon ti. A ken til lon, a pue nono rek re ir.

30 A lupuan an etei ir mot nanai mona, a ken anai pret, iotokanai, kinikisi tu, ap ati nanai ir.

31 Lemas ar ap uili la, rap kile i; a ap mon jonai ir.

32 Rap kapas fenen le ir, Letip at san mokiti-kit lupuan an kapas nanai kit lon ial, o lupuan an fana nanai kit Paipel?

33 Rap u ta fasoun ue rek lun la Jerusalem; rap uerai mi seek aman koe o mi etei ir kana, apasa,

34 Milet Jisos a manaua ta, o pue ta ren Saimon.

35 Rap ura *nanai* ir mi ni feferi lon ial, o ojon ar kile i ren an kinikisi tu pret.

36 Lupuan ar apasa ta kei, pokin Jisos a u ta lepet ar, ap kapas *nanai* ir, Ami *renel*.

37 A ir mi nuokus *aniau*, kikine ra uerai anu aman.

38 A ap kapas *nanai* ir, Limeita letip ami mokitikit? o limeita okiok kana fai la letip ami?

39 Na *nanai* pa i o *pir* ai, pue pokin *nan* erek; ami suku ai o uerai; pue sor an anu aman fituk an o *rin* ojon *rek* ami uerai re i.

40 A ken apasa ta kei, ap asale *nanai* i pa an, *pir* an.

41 A lupuan ar sap *arifaua* pokitan *renel* o *lanafau*, a ken kapas *nanai* ir,

42 Sor *mona* nono re ami? Ra ap ati *nanai* i kifitan ik *apuora*, o kifitan oni.

43 A ap *anai*, *mona* moar.

44 A ap kapas *nanai* ir, Mi ni kapas kana, *nan* I apasa *nan* kemi lupuan ai nono *rek* re ami, pue oto monison ojon *nan* a maku tu lon puk an Moses, o *joufos* kana, o *nor* fel kana, ra pue puanua ta.

45 A ap suki letip ar pue ra pue kile puk koe.

46 A ap kapas *nanai* ir, Ie ojon a maku tu, o ie ojon a mi allim Kraist epue nini, ap manau ta jonai paian elu an ran,

47 O aiar, o amusa la tipij epue akile *nanai* aianan monison, ren it ai, *rapi* jonai Jerusalem.

48 Ami mi ai aramas an apuere ta kei.

49 A attuan *nan* I pue tina to re ami mi Jan ai puon *nanai*; ami au nono *rek* lon Jerusalem ami au puap manaman jonai lan.

50 A ap muanana la ir tore Petani; a ap ati la pa an, iotokanai ir.

51 A lupuan an iotokanai ir, a ap ainimoi jonai ir, ap puoka ta lan.

52 Ra fel nanai i, ap lun la Jerusalem renel aniau.

53 Ra fautan nono rek lon fel an Kot, mare-tai, o iotokanai Kot. Amen.